

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔԸ  
ՀԵՌՈՒՍՏԱՏԵՍՈՒԹՅԱՆ ԵՎ ՌԱԴԻՈՅԻ ՄԱՍԻՆ**

**Գ Լ ՈՒ Խ 1  
ԸՆԴՀԱՆՈՒՐ ԴՐՈՒՅԹՆԵՐ**

**Հոդված 1. Սույն օրենքի կարգավորման առարկան և գործողության ոլորտը**

Սույն օրենքը սահմանում է հեռուստաընկերությունների և ռադիոընկերությունների կարգավիճակը, իրավունքներն ու պարտականությունները, կարգավորում է թվային հեռարձակման ցանցերով նրանց հեռարձակման, մուլտիպլեքսորների լիցենզավորման, մուլտիպլեքսորների, հեռուստաընկերությունների և ռադիոընկերությունների գործունեության և այդ գործունեության նկատմամբ վերահսկողության ընթացքում ծագող այլ հարաբերությունները: Սույն օրենքը չի կարգավորում համացանցային հեռարձակում իրականացնող կազմակերպությունների գործունեությունը:

**Հոդված 2. Հայաստանի Հանրապետության հեռուստատեսության և ռադիոյի մասին օրենսդրությունը**

1. Հայաստանի Հանրապետության հեռուստատեսության և ռադիոյի մասին օրենսդրությունը ներառում է Հայաստանի Հանրապետության Սահմանադրությունը, սույն օրենքը, «Զանգվածային լրատվության մասին», «Գովազդի մասին», «Էլեկտրոնային հաղորդակցության մասին», «Հեղինակային իրավունքի և հարակից իրավունքների մասին», «Լեզվի մասին» Հայաստանի Հանրապետության օրենքները, Ընտրական օրենսգիրքը և այլ իրավական ակտեր:

2. Եթե Հայաստանի Հանրապետության միջազգային պայմանագրերով սահմանված են այլ նորմեր, քան նախատեսված են սույն օրենքով, ապա կիրառվում են միջազգային պայմանագրերի նորմերը:

**Հոդված 3. Օրենքում օգտագործվող հիմնական հասկացություններ**

Սույն օրենքում օգտագործվում են հետևյալ հիմնական հասկացությունները.

**հեռուստառադիոհեռարձակում՝** էլեկտրամագնիսական ալիքների միջոցով պատկերների, հնչյունների կամ դրանց պայմանանշանների տարածում հաղորդագծով (ներառյալ՝ կաբելային (մալուխային) կապով) կամ առանց հաղորդագծի (ներառյալ՝ ռադիոյով, հեռուստատեսությամբ կամ արբանյակային կապով եթեր հեռարձակումը), որի միջոցով այդ պատկերները, հնչյունները կամ դրանց պայմանանշանները հասանելի են հանրությանը.

**հեռուստառադիոհաղորդում՝** հեռուստատեսությամբ կամ ռադիոյով տարածվող պատկերներ և (կամ) հնչյուններ և (կամ) այլ տեղեկություններ պարունակող կենդանի կատարման կամ ամրագրված սահմանափակ տևողությամբ նյութ, որը

բովանդակության և կազմակերպչական իմաստով ինքնուրույն և ավարտուն է, համարվում է հեղինակային և (կամ) հարակից իրավունքի օբյեկտ.

**հեռուստառադիոծրագիր**՝ հեռարձակման համար նախատեսված, հեռուստաընկերության կամ ռադիոընկերության կողմից նախապես կարգավորված հաջորդականությամբ հեռուստառադիոհաղորդումների, գովազդի և այլ նյութերի ամբողջություն.

**հեռուստառադիոհեռարձակման լիցենզիա**՝ պաշտոնական թույլտվություն, որն իրավունք է տալիս մասնավոր մուլտիպլեքսորին կամ կաբելային (մալուխային) ցանցի օպերատորին Հայաստանի Հանրապետության տարածքում իրականացնելու հեռուստաընկերությունների և ռադիոընկերությունների ծրագրերի հեռարձակում.

**հեռուստաընկերություն և ռադիոընկերություն**՝ հեղինակագործված իրավաբանական անձ, որը թվային եթերային կամ կաբելային (մալուխային) ցանցերով կամ արբանյակային կապի միջոցով հեռարձակման համար պատրաստում է հեռուստառադիոծրագրեր և/կամ վերահեռարձակում է այլ հեռուստաընկերությունների և ռադիոընկերությունների ծրագրերը և պատասխանատվություն է կրում սույն օրենքի և իրավական այլ ակտերի պահանջների կատարման համար.

**մուլտիպլեքս**՝ թվային տեղեկատվության միասնական հոսքում միաձուլված մի քանի հեռուստածրագրերի, ռադիոծրագրերի և լրացուցիչ տեղեկատվության ամբողջականություն, որը սփռվում է հեռարձակման թվային ցանցի մեկ կապուղով.

**հանրային մուլտիպլեքսոր**՝ իրավաբանական անձ, որն իրականացնում է Հանրային հեռարձակման թվային ցանցի շահագործումը.

**հանրային հեռարձակման թվային ցանց**՝ Հայաստանի Հանրապետության սեփականությունը հանդիսացող վերգետնյա եթերային հեռարձակման թվային ցանց, որը ապահովում է սոցիալական փաթեթի հեռուստառադիոծրագրերի հեռարձակումը.

**սոցիալական փաթեթ**՝ հանրային հեռարձակման թվային ցանցով երկրի ողջ տարածքում անվճար հասանելի հեռուստառադիոծրագրերի ամբողջություն.

**հանրային հեռարձակման թվային ցանցի օպերատոր** – իրավաբանական անձ, որն իրականացնում է հանրային հեռարձակման թվային ցանցի կառավարումը և շահագործումը.

**մասնավոր մուլտիպլեքսոր**՝ սույն օրենքի համաձայն՝ Հեռուստատեսության և ռադիոյի հանձնաժողովի (այսուհետ՝ Հանձնաժողով) կողմից տրված լիցենզիայի հիման վրա եթերային թվային ցանցի սեփական և/ կամ վարձակալած ենթակառուցվածքների կառավարումն ու շահագործումը իրականացնող իրավաբանական կամ ֆիզիկական անձ.

**կաբելային ցանցի օպերատոր**՝ սույն օրենքի համաձայն՝ Հանձնաժողովի կողմից կաբելային (մալուխային) ցանցով հեռուստառադիոծրագրերի տարածման լիցենզիա ստացած և ցանցի ենթակառուցվածքների տեխնիկական շահագործումը ապահովող իրավաբանական կամ ֆիզիկական անձ.

**հայրենական հեռուստառադիոհաղորդում**՝ Հայաստանի Հանրապետությունում գործող հեռուստաընկերությունների և ռադիոընկերությունների կողմից կամ Հայաստանի Հանրապետության ֆիզիկական կամ իրավաբանական անձի պատվերով արտադրված կամ հայերեն թարգմանված հաղորդում.

**սեփական հեռուստառադիոհաղորդում**՝ հաղորդում, որը տնօրինելու և օգտագործելու իրավունքը պատկանում է տվյալ հեռուստառադիոընկերությանը.

**լրատվական հեռուստառադիոհաղորդում**՝ Հայաստանում և աշխարհում կյանքի տարբեր ոլորտներում իրադարձությունների, փաստերի մասին օպերատիվ լուրերից բաղկացած հեռուստառադիոհաղորդում.

**բաժանորդային հեռարձակում**՝ հեռարձակում, որը նախատեսված և հասանելի է հեռարձակողի հետ պայմանագրային հարաբերությունների մեջ գտնվող անձանց համար.

**վերահեռարձակում**՝ Հայաստանի կամ արտերկրի հեռուստաընկերության կամ ռադիոընկերության ծրագրի միաժամանակյա կամ արդեն հեռարձակված և ամրագրված (ձայնագրված և (կամ) տեսագրված) հաղորդման հետագա անփոփոխ հեռարձակում այլ հեռուստաընկերության կամ ռադիոընկերության կողմից.

**սփռման գոտի**՝ տարածք, որի սահմաններում մուլտիպլեքսորը և կաբելային ցանցի օպերատորը նախատեսված տեխնիկական չափանիշներին և տրված լիցենզիային համապատասխան ապահովում են հեռուստաընկերությունների և ռադիոընկերությունների ծրագրերի տարածում.

**լրացուցիչ տեղեկատվություն**՝ հիմնական հաղորդմանը զուգակցող լուսագրային, գրաֆիկական, ձայնային այլ տեղեկությունների տարածում.

**Ժեստերի լեզվով թարգմանություն**՝ լսողական խնդիրներ ունեցող հեռուստադիտողի համար հեռուստահաղորդման համաժամանակյա փոխադրումը ժեստերով.

**փոխկապակցված անձինք**՝ ամուսին, ծնողներ, երեխաներ, քույրեր, եղբայրներ.

**տեղական հեռուստաընկերություն**՝ հեռարձակման թվայնացումից հետո երկարացված ժամկետով լիցենզիայի հիման վրա անալոգային տիրույթում գործունեությունը շարունակող հեռուստաընկերություն.

**մոնիտորինգ**՝ հեռուստաընկերությունների և ռադիոընկերությունների փաստացի գործունեությունը օրենքին և լիցենզիայի պահանջներին համապատասխանությունը բացահայտելու նպատակով իրականացվող դիտարկում.

**ուղղակի դիտարկում**՝ հեռուստաընկերությունների կամ ռադիոընկերությունների կողմից հեռարձակվող հեռուստառադիոհաղորդումները դիտելու և տեսաձայնագրելու միջոցով իրականացվող ուսումնասիրություն.

**հեղինակագործում** - հեռուստաընկերություն կամ ռադիոընկերություն հիմնելու մասին իրազեկման դիմումի հաստատում Հանձնաժողովի կողմից:

#### **Հոդված 4. Հեռուստառադիոհաղորդումների ազատությունը**

1. Հայաստանի Հանրապետությունում երաշխավորվում է հեռուստառադիոհաղորդումների ազատ ընտրության, արտադրության ու տարածման իրավունքը:

2. Հեռուստառադիոհաղորդումների գրաքննությունն արգելվում է:

3. Յուրաքանչյուր ոք իրավունք ունի ազատ ընդունելու

հեռուստառադիոհաղորդումներ և լրացուցիչ տեղեկատվություն, ներառյալ՝ վերգետնյա (եթերային), արբանյակային, կաբելային (մալուխային) և այլ

ցանցերով, անվճար կամ վճարովի, ինչպես ապակողավորող միջոցներով, այնպես էլ հեռուստառադիոհեռարձակման բաց ցանցերով:

3. Պետությունն անհրաժեշտ պայմաններ է ստեղծում և միջոցներ է ձեռնարկում Հայաստանի Հանրապետության ամբողջ տարածքում Հանրային հեռուստառադիոընկերության ծրագրերի ընդունման համար:

4. Վերգետնյա հեռուստառադիոհեռարձակում իրականացնող մուլտիպլեքսորը կամ կարելային (մալուխային) ցանցի օպերատորը համապատասխան սփուման գոտիների համընկնման շրջաններում չպետք է սահմանափակի մարդկանց՝ այլ հեռուստառադիոծրագրեր ընդունելու իրավունքը:

### **Հոդված 5. Հեռուստառադիոհաղորդումների լեզուն**

1. Հայաստանի Հանրապետության տարածքում հեռարձակվող հեռուստառադիոհաղորդումների լեզուն հայերենն է, բացառությամբ սույն օրենքով սահմանված դեպքերի: Հեռուստառադիոընկերությունները պարտավոր են ապահովել իրենց հաղորդումների լեզվի անաղարտությունը:

2. Օտար լեզուների ուսուցման նպատակով կազմակերպվող հեռուստառադիոհասընթացները, ինչպես նաև երգերն ու երաժշտական այլ ժանրերի ստեղծագործությունները կարող են եթեր հեռարձակվել առանց հայերեն թարգմանության:

3. Ազգային փոքրամասնությունների համար նախատեսված՝ նրանց լեզուներով տրվող հաղորդումները կարող են եթեր հեռարձակվել առանց հայերեն թարգմանության:

4. Արգելվում է հեռուստաընկերությունների և ռադիոընկերությունների անվանումները, ազդականչերը և այլ ելքային տվյալները միայն օտար լեզուներով օգտագործելը:

5. Սույն հոդվածի 1-ին և 4-րդ մասերի պահանջները չեն տարածվում բաժանորդային հեռարձակման, օտարերկրյա հեռուստառադիոծրագրերի հեռարձակման կամ վերահեռարձակման դեպքերի, ինչպես նաև՝ արտերկրի համար հեռարձակվող հեռուստահաղորդումների և ռադիոհաղորդումների վրա:

### **Հոդված 6. Հեռուստահաղորդումների հեռարձակումը ժեստերի լեզվով թարգմանությամբ կամ հայերեն լուսագրով**

1. Հանրային հեռուստաընկերությունը և Հայաստանի Հանրապետությունում գործող այն մասնավոր հեռուստաընկերությունները, որոնք հեռարձակում են նաև լրատվական և (կամ) մանկական հեռուստահաղորդումներ, պարտավոր են իրենց ծրագրերում ապահովել լսողական խնդիրներ ունեցողների համար հնարավոր տեղեկատվության ստացման մատչելիությունը՝ օրվա եթերաժամում առնվազն մեկական մանկական և լրատվական հեռուստահաղորդում հեռարձակել ժեստերի լեզվով թարգմանությամբ կամ հայերեն լուսագրով:

2. Ռեզմական կամ արտակարգ դրության ժամանակ պետությունն ապահովում է հեռուստատեսությամբ հեռարձակվող պաշտոնական հաղորդագրությունների գույակցումը ժեստերի լեզվով թարգմանությամբ կամ հայերեն լուսագրով:

**Գ Լ ՈՒ Խ 2**  
**ՀԵՌՈՒՍՏԱՌԱԴԻՈՀԱՂՈՐԴՈՒՄՆԵՐԻ ԿԱԶՄԱԿԵՐՊՈՒՄԸ**

**Հոդված 7. Հեռուստառադիոհաղորդումների հեռարձակման և վերահեռարձակման կարգը**

1. Հայաստանի Հանրապետության տարածքում գործող հեռուստառնկերությունների և ռադիոռնկերությունների ծրագրերի հեռարձակումն ու այլ երկրների հեռուստառնկերությունների և ռադիոռնկերությունների ծրագրերի վերահեռարձակումն իրականացնում են մուլտիպլեքսորները կամ կաբելային (մալուխային) ցանցերի օպերատորները՝ լիցենզիայի հիման վրա:
2. Առանց լիցենզիայի թվային հեռարձակման հանրային ցանցով հեռարձակվում են հանրային հեռուստառնկերության և հանրային ռադիոռնկերության և միջպետական պայմանագրի հիման վրա հեռարձակվող հեռուստառադիոծրագրերը:
3. Ոչ սեփական հեռուստառադիոհաղորդումները կարող են հեռարձակվել միայն դրանց հեռարձակման իրավունքը հավաստող փաստաթղթերի առկայության դեպքում:
4. Հեռուստառադիոհաղորդման արտադրության և հեղինակի մասին տեղեկատվության (ենթագրեր, ձայնային ներկայացում) ամբողջական հեռարձակումը պարտադիր է:

**Հոդված 8. Հայրենական հեռուստառադիոհաղորդումներ արտադրողի պաշտպանությունը**

1. Հայաստանի Հանրապետության տարածքում գործող՝ վերգետնյա եթերային հեռարձակման թվային ցանցերով և կաբելային (մալուխային) ցանցերով հեռարձակում իրականացնող հեռուստառնկերությունների և ռադիոռնկերությունների ծրագրերում հայրենական արտադրության հաղորդումների ծավալը չի կարող ամսական ընդհանուր եթերաժամի 65 տոկոսից պակաս լինել:
2. Սույն հոդվածի դրույթները չեն տարածվում բաժանորդային հեռարձակման, վերգետնյա եթերային հեռարձակման թվային ցանցերով և կաբելային (մալուխային) ցանցերով օտարերկրյա հեռուստառնկերությունների և ռադիոռնկերությունների ծրագրերի հեռարձակման կամ վերահեռարձակման և արբանյակային հեռուստատեսության ընդունման (անհատական) դեպքերի վրա:

**Հոդված 9. Օտարերկրյա հեռուստառնկերությունների և ռադիոռնկերությունների ծրագրերի հեռարձակումը**

1. Օտարերկրյա հեռուստառնկերությունների և ռադիոռնկերությունների ծրագրերը Հայաստանի Հանրապետության տարածքում կարող են ամբողջությամբ վերահեռարձակվել միջազգային համաձայնագրի, միջպետական պայմանագրի հիման վրա կամ վերահեռարձակում իրականացնող հեռուստառնկերություն կամ ռադիոռնկերություն հիմնելու մասին Հանձնաժողովին ծանուցելուց հետո, կամ՝ եթերային հեռարձակման թվային ցանցը շահագործող մուլտիպլեքսորի կամ

կաբելային (մալուխային) ցանցի օպերատորի՝ տվյալ օտարերկրյա հեռուստառադիոընկերության հետ կնքված պայմանագրի հիման վրա:

2. Հայաստանի Հանրապետությունում գործող հեռուստաընկերություններն ու ռադիոընկերություններն օտարերկրյա ծրագրերը կամ հաղորդումները կարող են վերահեռարձակել պայմանագրային հիմունքներով:

3. Հայաստանի Հանրապետության տարածքում օտարերկրյա հեռուստաընկերությունների և ռադիոընկերությունների ծրագրերը վերգետնյա կամ կաբելային (մալուխային) ցանցով վերահեռարձակելիս գովազդի, ներառյալ՝ վերահեռարձակվող գովազդի հեռարձակումն արգելվում է: Օրենքով կամ միջազգային պայմանագրերով կարող են սահմանվել այլ կարգավորումներ:

**Հոդված 10. Հեռուստառադիոհաղորդումներն ընտրությունների (հանրաքվեների) ընտրական (հանրաքվեի նախապատրաստական) քարոզչության ժամանակահատվածում**

1. Ընտրությունների (հանրաքվեների) ընտրական (հանրաքվեի նախապատրաստական) քարոզչության իրականացման համար օրենքով սահմանված ժամանակահատվածում՝

1) հեռուստառադիոհաղորդումները հեռարձակվում են ընտրությունների (հանրաքվեների) մասին օրենսդրությանը համապատասխան,

2) հեռուստառադիոընկերությունները պարտավոր են հավասար պայմաններ ապահովել թեկնածուների և Ազգային ժողովի ընտրությունների մասնակցող կուսակցությունների, կուսակցությունների դաշինքների համար՝ հրապարակավ հայտնել վճարովի հաղորդումների իրենց եթերաժամի գինը և հեռարձակման պայմանագրի էական այլ պայմաններ,

3) հեռուստառադիոընկերությամբ հեռարձակվող լրատվական հաղորդումներում թեկնածուների, կուսակցությունների, կուսակցությունների դաշինքների (հանրաքվեի քարոզչությանը մասնակցող կողմերի) ընտրական (հանրաքվեի նախապատրաստական) քարոզչության վերաբերյալ պետք է ներկայացվի անկողմնակալ և գնահատականներից զերծ տեղեկատվություն՝ ապահովելով հավասար պայմաններ,

4) թեկնածուներին, կուսակցություններին, կուսակցությունների դաշինքներին նախընտրական հիմնադրամի միջոցների հաշվին տրամադրվող ընտրական քարոզչական հեռուստառադիոհաղորդումների սփռումը հեռուստատեսությամբ (հանրային հեռուստառադիոընկերության դեպքում՝ նաև օրենքով սահմանված անվճար եթերաժամը) պետք է ուղեկցվի էկրանի վրա պարտադիր անընդմեջ լուսագրով՝ «Նախընտրական (հանրաքվեի նախապատրաստական) քարոզչություն», իսկ ռադիոսփռման դեպքում յուրաքանչյուր հաղորդման ընթացքում ոչ պակաս, քան երեք անգամ պետք է հիշեցվի դրա մասին:

2. Ընտրությունների (հանրաքվեների) քվեարկության օրը և դրան նախորդող օրն արգելվում է հեռարձակել քարոզչական նյութ՝ տեղեկատվական, խմբագրական, փաստավավերագրական, հեղինակային կամ այլ հաղորդումների տեսքով կամ ցանկացած այլ ձևով ընտրական (հանրաքվեի նախապատրաստական) քարոզչություն իրականացնել:

3. Հեռուստառադիոընկերությամբ հեռարձակվող լրատվական հաղորդումներում թեկնածուների, կուսակցությունների, կուսակցությունների դաշինքների (հանրաքվեի քարոզչության կողմերի, նախաձեռնող խմբերի) նախաձեռնած ընտրական վեճերի (քվեարկության, ընտրությունների կամ հանրաքվեի արդյունքների բողոքարկման) վերաբերյալ պետք է ներկայացվի անկողմնակալ և գնահատականներից զերծ տեղեկատվություն՝ ապահովելով հավասար պայմաններ, տալով շահագրգիռ կողմերին իրենց դիրքորոշումը ներկայացնելու հավասար հնարավորություն:

4. Ազգային ժողովի և Երևանի ավագանու ընտրությունների (այդ թվում արտահերթ ընտրությունների և ընտրությունների երկրորդ փուլերի), նախընտրական քարոզչության (հանրաքվեի դրված հարցի վերաբերյալ քարոզչության) ժամանակահատվածում Հանրային հեռուստատեսությունը և Հանրային ռադիոն պարտավոր են թեկնածուների, ընտրություններին մասնակցող կուսակցությունների, հանրաքվեի քարոզչության կողմերի համար ապահովել ոչ խտրական, հավասար պայմաններով անվճար հանրային բանավեճեր (այդ թվում՝ ուղիղ եթերով):

5. Հանրային բանավեճերի կարգը և ժամանակացույցը սահմանում է Կենտրոնական ընտրական հանձնաժողովը՝ ընտրություններին մասնակցող կուսակցությունների ընտրական ցուցակների գրանցման համար սահմանված ժամկետի ավարտից հետո՝ հաջորդ օրը, իսկ հանրաքվեի դեպքում քարոզչության կողմերի գրանցման համար սահմանված ժամկետից հետո՝ հաջորդ օրը: Հանրային ռադիոն և Հանրային հեռուստատեսությունը պարտավոր են պատշաճ հրավերներ ուղարկել ընտրությունների (հանրաքվեների) ընտրական քարոզչության բոլոր մասնակիցներին՝ ըստ Կենտրոնական ընտրական հանձնաժողովի սահմանած կարգի: Հանրային ռադիոն և Հանրային հեռուստատեսությունը տվյալ բանավեճի հաղորդման սկզբում պարտավոր են հրապարակել բանավեճին մասնակցելուց հրաժարման մասին և հրաժարվողի պատճառաբանությունը:

#### **Հոդված 11. Հեռուստաընկերությունները և ռադիոընկերությունները ռազմական կամ արտակարգ դրություն հայտարարելու ժամանակ**

1. Հեռուստաընկերությունները և ռադիոընկերությունները պարտավոր են ռազմական կամ արտակարգ դրության ժամանակ Կառավարությանը հատկացնել եթերաժամանակ՝ պաշտոնական հայտարարություններ կատարելու համար:

2. Հեռուստաընկերությունների և ռադիոընկերությունների կողմից եթերաժամանակի հատկացման կարգը և պայմանները սահմանում է Հանձնաժողովը:

#### **Հոդված 12. Չայնային, տեսաշարային, տեսաձայնաշարային տեղեկատվություն ստանալը**

1. Հեռուստադիտողները և ռադիոուսնողներն ստանում են ձայնային, տեսաշարային, տեսաձայնաշարային տեղեկատվություն՝ անվճար կամ վճարովի:

2. Հեռուստադիտողները և ռադիոուսնողները կարող են անարգել ընդունել բոլոր հեռուստառադիոհաղորդումները (ներառյալ՝ արբանյակային կապի միջոցով հեռարձակվող արտասահմանյան արտադրության հեռուստառադիոհաղորդումները)՝ առանց վերահեռարձակման իրավունքի:

**Հոդված 13. Հեռուստառադիոձրագրերի ձայնագրությունների և տեսագրությունների պահպանման կարգը**

1. Հեռուստառադիոընկերությունները օրվա եթերի հաղորդումները արխիվացնում և պահպանում են էլեկտրոնային որևէ կրիչի վրա:

2. Հանձնաժողովը ընտրանքային սկզբունքով իրականացնում է հեռուստառադիոընկերությունների կողմից հեռարձակվող ձրագրերի ուղղակի դիտարկումներ յուրաքանչյուր հեռուստառադիոընկերության համար ամսվա ընթացքում առնվազն հինգ օր: Հանձնաժողովի պահանջի դեպքում հեռուստաընկերությունները արխիվացված հաղորդումները ներկայացնում են դիտարկման՝ նշելով հաղորդման օրը, ամիսը, տարին և եթեր հեռարձակման ժամը:

3. Արխիվացված ձրագրերը համացանցում կամ էլեկտրոնային կրիչի վրա պահպանվում են առնվազն վեց ամիս: Վեց ամիսը լրանալուց հետո հեռուստառադիոընկերությունն իրավունք ունի ոչնչացնելու արխիվը: Եթե վեց ամսվա ընթացքում հեռուստառադիոընկերության դեմ Հայաստանի Հանրապետության քաղաքացիական օրենսգրքի 1087.1 հոդվածով գրպարտության և/կամ վիրավորանքի, կամ՝ այլ հիմքով հայց է ներկայացվում դատարան, ապա տվյալ հաղորդման տեսագրությունը պահպանվում է մինչև դատաքննության ավարտը:

**Հոդված 14. Հովանավորությունը հեռուստառադիոհաղորդումների իրականացման ժամանակ**

1. Հովանավորությունը հեռուստառադիոհեռարձակման գործունեություն չիրականացնող կամ տեսաձայնային աշխատանքների ստեղծման գործում չներգրավված ֆիզիկական կամ իրավաբանական անձի մասնակցությունն է հեռուստառադիոհաղորդման ուղղակի կամ անուղղակի ֆինանսավորմանը՝ այդ անձի անունը, ապրանքանիշը, համբավը կամ գործունեությունը գովազդելու նպատակով:

2. Հեռուստառադիոհաղորդումների հովանավորության նկատմամբ կիրառվում են «Գովազդի մասին» Հայաստանի Հանրապետության օրենքի գանգվածային տեղեկատվության էլեկտրոնային միջոցներում գովազդը կարգավորող դրույթները:

3. Հովանավորված ձրագրերի բովանդակությունը և ուղղվածությունը չպետք է կրեն հովանավորի միջամտությունը և այլ բնույթի ազդեցություն, եթե դա միջամտություն է հովանավորվողի պարտավորություններին և անկախությանը:

4. Արգելվում է հովանավորությունը՝

1) քաղաքական կուսակցությունների, նախընտրական հիմնադրամների և կրոնական կազմակերպությունների կողմից կամ դրանց միջոցներից,

2) լրատվական թողարկումների, պաշտոնական հաղորդագրությունների և քաղաքական հաղորդումների համար,

3) օրենսդրությամբ արգելված գործունեությամբ զբաղվող ֆիզիկական ու իրավաբանական անձանց կողմից:

5. Ալկոհոլային խմիչքների և ծխախոտի արտադրությամբ զբաղվող ֆիզիկական կամ իրավաբանական անձանց կողմից հովանավորության դեպքում կիրառվում են

«Գովազդի մասին» Հայաստանի Հանրապետության օրենքով նախատեսված սահմանափակումները:

7. Հովանավորությամբ ստեղծված հեռուստառադիոհաղորդումներում կարող են նշվել տեղեկություններ հովանավորի մասին, ներկայացվել խորհրդանիշներ, մակագրություններ, կարճ հայտարարություններ միայն հաղորդման սկզբում և վերջում, բայց ոչ ավելի, քան յուրաքանչյուրը մեկ ընդամենը տևողությամբ:

8. Արգելվում է սույն հոդվածի 7-րդ կետում նշված տվյալներից բացի ներկայացնել նաև հովանավորի ապրանքների, ծառայությունների և ակցիաների մասին տեղեկություններ, իսկ բուքմեյքերական գրասենյակների կողմից հովանավորված հաղորդումների ժամանակ՝ հովանավորի անունը նշելուց բացի հիշատակել նաև տվյալ գրասենյակի սահմանած գործակիցները:

### **ԳԼՈՒԽ 3**

#### **ՀԵՌՈՒՍՏԱՐՆԿԵՐՈՒԹՅՈՒՆՆԵՐԸ ԵՎ ՌԱԴԻՈՐՆԿԵՐՈՒԹՅՈՒՆՆԵՐԸ**

##### **Հոդված 15. Հեռուստառնկերությունների և ռադիոռնկերությունների տեսակները**

1. Հայաստանի Հանրապետությունում կարող են լինել հանրային և մասնավոր հեռուստառնկերություններ և ռադիոռնկերություններ:

2. Հայաստանի Հանրապետությունում գործում են առնվազն մեկ անկախ հանրային հեռուստառնկերություն և մեկ անկախ հանրային ռադիոռնկերություն:

3. Հանրային հեռուստառնկերությունը և Հանրային ռադիոռնկերությունը հիմնադրվում են Կառավարության որոշմամբ:

4. Հանրային հեռուստառնկերությունը և Հանրային ռադիոռնկերությունը կարող են հիմնադրվել միայն բաժնետիրական ընկերության ձևով, որի միակ մասնակիցը Հայաստանի Հանրապետությունն է:

5. Հանրային հեռուստատեսության և Հանրային ռադիոյի գործունեությունն ապահովում են հանրային հեռուստառնկերություններն ու հանրային ռադիոռնկերությունները:

6. Հանրային հեռուստառնկերության և Հանրային ռադիոռնկերության կառավարման, այդ թվում՝ բաժնետոմսերի կառավարման գործառնություններն իրականացնում է Խորհուրդը, որը «Բաժնետիրական ընկերությունների մասին» Հայաստանի Հանրապետության օրենքի իմաստով հանդիսանում է լիազոր մարմին:

7. Մասնավոր են այն հեռուստառնկերությունները և ռադիոռնկերությունները, որոնց հիմնադիրները (մասնակիցները) ֆիզիկական կամ իրավաբանական անձինք են:

8. Հայաստանի Հանրապետությունում գործող մասնավոր հեռուստառնկերություններն ու ռադիոռնկերություններն օգտվում են հավասար իրավունքներից և օրենքի առջև հավասարապես պատասխանատու են՝ անկախ իրենց կազմակերպարավական ձևից:

## **Հողված 16. Մասնավոր հեռուստաընկերությունների և ռադիոընկերությունների հիմնադիրները և սեփականության թափանցիկությունը**

1. Մասնավոր հեռուստաընկերությունների և ռադիոընկերությունների հիմնադիրներ կարող են լինել իրավաբանական և ֆիզիկական անձինք, բացառությամբ սույն օրենքով սահմանված դեպքերի:

2. Մասնավոր հեռուստաընկերությունները և ռադիոընկերությունները գործունեությունը սկսում են Հանձնաժողովում հեղինակագործելուց հետո: Հեղինակագործման դիմումին կից հեռուստաընկերությունները և ռադիոընկերությունները Հանձնաժողովին են ներկայացնում իրենց հիմնադիրների և մասնակից կամ բաժնետեր իրավաբանական ու ֆիզիկական անձանց մասին հետևյալ տեղեկությունները.

- ա. հիմնադիր իրավաբանական անձի լրիվ անվանումը,
- բ. կազմակերպական-իրավական ձևը,
- գ գտնվելու վայրը,
- դ. ղեկավարի (գործադիր մարմնի) անունը, ազգանունը,
- ե. կոնտակտային տվյալները,
- զ. իրավաբանական անձի պետական գրանցման համարը, տրման օրը,
- է. ա-զ կետերում նշված տեղեկությունները՝ հիմնադիր իրավաբանական անձի մասնակից կամ բաժնետեր այն իրավաբանական անձանց մասին, որոնք տիրապետում են հիմնադիր իրավաբանական անձի առնվազն 5 տոկոս բաժնեմասի,
- ը. հիմնադիր իրավաբանական անձի առնվազն 5 տոկոսի բաժնետեր կամ մասնակից ֆիզիկական անձանց անունները, ազգանունները, հաշվառման հասցեները, եթե ֆիզիկական անձը անհատ ձեռնարկատեր է, ապա նաև պետական գրանցման վկայականի համարը և տրման օրը,
- թ. հայտարարություն, որ հիմնադիրների, բաժնետերերի կամ մասնակիցների թվում չկան սույն հոդվածի 5-րդ մասում նշված անձինք և կազմակերպություններ,
- ժ. տեղեկանք հարկային մարմիններից՝ դիմումը ներկայացնելու ամսվա 1-ի դրությամբ հարկային պարտավորությունների կատարման մասին:

3. Հեռուստաընկերությունները և ռադիոընկերությունները սույն հոդվածի 2-րդ մասի ա-թ կետերի տվյալները, ինչպես նաև իրենց տարեկան ֆինանսական հաշվետվությունը հրապարակում են իրենց պաշտոնական կայքերում:

4. Հեռուստաընկերությունների և ռադիոընկերությունների հիմնադրման (ստեղծման) ժամանակ կամ դրանից հետո օտարերկրյա կապիտալի մասնակցության բաժինը չպետք է հավասար կամ ավելի լինի որոշումների ընդունման համար անհրաժեշտ բաժնեմասերի հիսուն տոկոսից: Ավելի մեծ բաժնեմաս կարող է սահմանվել միջպետական պայմանագրերով:

5. Մասնավոր հեռուստաընկերությունների և ռադիոընկերությունների հիմնադիրներ (մասնակիցներ) չեն կարող լինել՝

- 1) Հանրապետության նախագահը և նրան փոխկապակցված անձինք,
- 2) Հանրապետության վարչապետը և նրան փոխկապակցված անձինք,
- 3) պետական կառավարման կամ տեղական ինքնակառավարման մարմինները, դրանց ղեկավարները և նրանց փոխկապակցված անձինք,
- 4) Կառավարության անդամները և նրանց փոխկապակցված անձինք,

- 5) Ազգային ժողովի պատգամավորները և նրանց փոխկապակցված անձինք,
- 6) Խորհրդի անդամները և նրանց փոխկապակցված անձինք,
- 7) Հանձնաժողովի անդամները և նրանց փոխկապակցված անձինք.
- 8) դատավորները և նրանց փոխկապակցված անձինք.
- 9) կուսակցությունները, կուսակցությունների ղեկավար մարմինների անդամները,
- 10) օֆշորային գոտիներում գրանցված կազմակերպությունները և այն իրավաբանական անձինք, որոնց հիմնադիրների մեջ կան օֆշորային գոտիներում գրանցված ընկերություններ,
- 11) 18 տարին չլրացած քաղաքացիները:

### **Հոդված 17. Հեռուստաընկերությունների և ռադիոընկերությունների անկախության երաշխիքները**

1. Արգելվում է պետական իշխանության մարմինների, պետական պաշտոնյաների, կուսակցությունների, հասարակական կազմակերպությունների և այլ իրավաբանական ու ֆիզիկական անձանց կողմից հեռուստաընկերությունների և ռադիոընկերությունների գործունեությանը միջամտելը: Պետական իշխանության մարմինները կարող են հեռուստաընկերությունների և ռադիոընկերությունների գործունեությանը միջամտել միայն Հայաստանի Հանրապետության օրենսդրությամբ սահմանված դեպքերում:

2. Պետությունը երաշխավորում է տեղեկատվական, կրթական, մշակութային և ժամանցային բնույթի հաղորդումների բազմազանություն առաջարկող անկախ հանրային հեռուստատեսության և անկախ հանրային ռադիոյի առկայությունը և գործունեությունը:

### **Հոդված 18. Հակամենաշնորհային երաշխիքները**

1. Իրավաբանական անձինք կարող են լինել միևնույն սփուման գոտում վերգետնյա եթերային հեռարձակում իրականացնող ոչ ավելի, քան մեկ հեռուստաընկերության և մեկ ռադիոընկերության բաժնետեր կամ սեփականատեր:

2. Ֆիզիկական անձինք և նրանց հետ փոխկապակցված անձինք կարող են դառնալ ոչ ավելի, քան միևնույն սփուման գոտում վերգետնյա եթերային հեռարձակում իրականացնող մեկ հեռուստաընկերության և մեկ ռադիոընկերության հիմնադիր և (կամ) մասնակից:

3. Իրավաբանական և ֆիզիկական անձինք կարող են լինել միևնույն սփուման գոտում ոչ ավելի, քան մեկ մուլտիպլեքսորի բաժնետեր կամ սեփականատեր:

### **Հոդված 19. Հեռուստաընկերությունների և ռադիոընկերությունների կողմից հեռարձակվող գովազդը**

1. Հեռուստաընկերությունների և ռադիոընկերությունների կողմից գովազդի հեռարձակումն իրականացվում է «Գովազդի մասին» Հայաստանի Հանրապետության օրենքի պահանջներին համապատասխան:

**Հոդված 20. Հեռուստաընկերությունների և ռադիոընկերությունների եկամուտների աղբյուրները**

1. Հեռուստառադիոընկերությունների եկամուտները գոյանում են գովազդից, վճարովի եթերաժամից, հովանավորությունից, սեփական արտադրության տեսաշարային, ձայնաշարային և տեսաձայնաշարային նյութերի վաճառքից, բաժանորդային մուծումներից, հիմնադիրների ներդրումներից և օրենքով չարգելված այլ աղբյուրներից:

Հանրային հեռուստառադիոընկերության եկամուտները կանոնակարգվում են նաև սույն օրենքի 34-րդ հոդվածով:

2. Հեռուստառադիոընկերությունները պարտավոր են ապահովել ֆինանսավորման աղբյուրների թափանցիկությունը՝ մինչև հաշվետու տարվան հաջորդող մայիսի 1-ը իրենց պաշտոնական կայքերում հրապարակել տարեկան ֆինանսական հաշվետվությունները և տեղեկատվություն տարեկան եկամուտների մասին՝ ըստ սույն հոդվածի 1-ին մասում նշված եկամուտների աղբյուրների:

**Հոդված 21. Ելքային տվյալները**

1. Հեռուստաընկերությունները և ռադիոընկերությունները պարտավոր են ամեն օր եթերում հայտարարել իրենց անվանումները, ներկայացնել խորհրդանիշները՝ ազդականչերը, ներդիրները, այլ ելքային տվյալներ, ինչպես նաև օրվա հաղորդումների ծրագիրը:

2. Հեռուստաընկերությունները պարտավոր են՝

- 1) իրենց հաղորդումների հեռարձակման ժամանակ անընդմեջ հեռարձակել տվյալ ընկերության խորհրդանիշը, բացառությամբ գովազդի հաղորդման ժամանակ,
- 2) յուրաքանչյուր հեռարձակվող հաղորդման ավարտին նշել (հայտարարել) տվյալ հաղորդման արտադրողի մասին տեղեկություններ:

3. Ռադիոընկերությունները պարտավոր են յուրաքանչյուր հեռարձակվող հաղորդման սկզբին և ավարտին հայտարարել տվյալ ռադիոընկերության և տվյալ հաղորդման անվանումը և տեղեկություններ հաղորդման արտադրողի մասին:

**Հոդված 22. Հեռուստառադիոհաղորդումների բովանդակության սահմանափակումները**

1. Արգելվում է հեռուստառադիոհաղորդումներն օգտագործել՝ իշխանությունը յուրացնելու, Հայաստանի Հանրապետության սահմանադրական կարգը բռնությամբ փոխելու և տապալելու քարոզչության, ազգային, ռասայական, կրոնական ատելություն բորբոքելու, խտրականություն քարոզելու և դրսևորելու, պատերազմ քարոզելու, քրեորեն պատժելի կամ գործող օրենսդրությամբ արգելված արարքների կոչեր տարածելու, պոռնկագրություն տարածելու, բռնության և դաժանության պաշտամունք պարունակող կամ քարոզող հաղորդումներ հեռարձակելու նպատակներով:

2. Էրոտիկ բնույթի հեռուստառադիոհաղորդումները և սարսափ ու ակնհայտ բռնություն պարունակող ֆիլմերը, ինչպես նաև անչափահասների առողջության, մտավոր և ֆիզիկական զարգացման, դաստիարակության վրա հնարավոր բացասական ազդեցություն ունեցող հաղորդումները, բացառությամբ բաժանորդային հեռարձակման, կարող են եթեր հեռարձակվել ժամը 24.00-6.00-ն: Նման հաղորդումների, ինչպես նաև պոռնկագրության որոշման չափորոշիչները սահմանում է Հանձնաժողովը:

3. Պետության հայտարարած սզո օրերին գովազդի և զվարճալի հաղորդումների հեռարձակումը հեռուստառադիոընկերությունների կողմից արգելվում է:

4. Սույն հոդվածի 1-ին մասով սահմանված կանոնից բացառությունը թույլատրվում է միայն պատմափաստավավերագրական և լրատվական նյութերի օգտագործման դեպքում, որոնց ժամանակ սույն հոդվածի 1-ին մասում թվարկված բովանդակության առկայության դեպքում նախապես հայտարարություն է հրապարակվում դրա մասին:

### **Հոդված 23. Արբանյակային հեռուստառադիոհեռարձակումը և հեռահաղորդակցությունը**

1. Հեռուստաընկերությունները և ռադիոընկերությունները արբանյակային հեռարձակում կարող են իրականացնել համապատասխան արբանյակային գործակալության հետ պայմանագրի առկայության դեպքում: Հեռուստաընկերությունն արբանյակային հեռարձակման մասին գրավոր տեղեկացնում է Հանձնաժողովին՝ հեռարձակման համար նախատեսված օրվանից առնվազն հինգ աշխատանքային օր առաջ:

### **Հոդված 24. Հեռարձակման և վերահեռարձակման ընթացքում տեղեկատվության հասանելիությունը**

1. Եթե հեռուստառադիոընկերությունն իր հաղորդումները հեռարձակում կամ օրենքով սահմանված կարգով վերահեռարձակում է անսահմանափակ թվով անձանց համար և անվճար տեղեկատվություն տալու պայմանով, ապա յուրաքանչյուր ոք իրավունք ունի նման ծառայությունից օգտվելու անհատույց և առանց տվյալ հեռուստառադիոընկերությանը տեղեկացնելու:

2. Այլ դեպքերում հեռուստառադիոընկերության մատուցելիք ծառայության գինը և պայմանները սահմանվում են պայմանագրային կարգով:

### **Հոդված 25. Բաժանորդային հեռարձակումը**

1. Բաժանորդային հեռարձակման նկատմամբ թեմատիկ, բովանդակային և լեզվական սահմանափակումներ չեն սահմանվում, բացառությամբ սույն օրենքի 22-րդ հոդվածով նախատեսված դեպքերի:

2. Մասնավոր մուլտիպլեքսորները, բաժանորդային հեռարձակման անցնելու դեպքում, պարտավոր են ստանալ Հանձնաժողովի թույլտվությունը:

## **Հողված 26. Նվազագույն սոցիալական փաթեթը**

1. Սոցիալական փաթեթը ներառում է հանրային հեռուստաընկերության հինգ ալիք՝ հետևյալ ուղղվածության.

ա) մեկ ընդհանուր,

բ) մեկ տեղական և միջազգային լուրեր հաղորդող շուրջօրյա լրատվական,

գ) մեկ մշակութային-գիտակրթական,

դ) մեկ մանկական,

ե) մեկ երիտասարդական, մարզական, երաժշտական-ժամանցային:

Եթե հանրային հեռուստաընկերությունը չի կարողանում ապահովել վերջին երեքի հեռարձակումը, ապա դրանց բովանդակության պատրաստումը մրցութային կարգով առնվազն յոթ տարով պատվիրակում է մասնավոր հեռուստաընկերությունների:

Մրցութի արդյունքում ընտրված ընկերությունները համապատասխան բովանդակությամբ ընդգրկվում են սոցիալական փաթեթում:

2. Հանրային ռադիոընկերությունը պետք է ընդհանուր ուղղվածության մեկ ալիքից բացի ապահովի նաև առնվազն երեք մասնագիտացված ալիքի հեռարձակումը:

Մասնագիտացված ալիքների թեմատիկ ուղղվածությունը հաստատում է Խորհուրդը:

3. Հանրային հեռարձակման թվային ցանցի օպերատորը, դիմում լինելու դեպքում, պարտավոր է իր ազատ հնարավորությունները վարձակալությամբ տրամադրել մասնավոր մուլտիպլեքսորին՝ համապետական հեռարձակում իրականացնելու համար:

## **ԳԼՈՒԽ 4**

### **ՀԱՆՐԱՅԻՆ ՀԵՌՈՒՍՏԱԸՆԿԵՐՈՒԹՅՈՒՆԸ ԵՎ ՀԱՆՐԱՅԻՆ ՌԱԴԻՈՇՆԿԵՐՈՒԹՅՈՒՆԸ**

**Հողված 27. Հանրային հեռուստաընկերության և Հանրային ռադիոընկերության առաքելությունը, նպատակները, կարգավիճակը և գործունեության սկզբունքները**

1. Հանրային հեռուստաընկերությունը և Հանրային ռադիոընկերությունը ղեկավարվում են ժողովրդավարության, օրյեկտիվության, անկողմնակալության, բազմազանության, բազմակարծության, հանդուրժողականության սկզբունքներով և ապահովում են կարծիքն արտահայտելու, խղճի, մտքի և կրոնի, ինչպես նաև ստեղծագործության ազատությունը:

2. Հանրային հեռուստաընկերության և Հանրային ռադիոընկերության առաքելությունն է բավարարել հանրության բոլոր խավերի պահանջմունքները՝ ապահովելով տեղեկատվական, քաղաքական, կրթական, մշակութային և ժամանցային բնույթի հաղորդումների բազմազանություն:

3. Իրենց գործառույթները պատշաճ կատարելու համար Հանրային հեռուստատեսությունը և Հանրային ռադիոն պետք է՝

- վարեն անկախ խմբագրական քաղաքականություն և չվերահսկվեն իշխանությունների, քաղաքական և տնտեսական շրջանակների կողմից,
- իրականացնեն բարեխիղճ մասնագիտական գործունեություն,
- նպաստեն իրականության քննադատական ընկալմանը, ինչպես նաև հանրության մեջ բանավիճային մշակույթի զարգացմանը:

4. Հանրային հեռուստաընկերությունը և հանրային ռադիոընկերությունը պարտավոր են՝

1) ապահովել հեռարձակվող լրատվական, կրթական, մշակութային և ժամանցային բնույթի հաղորդումների բազմազանությունը,

2) օրվա եթերաժամի առնվազն երկու երրորդը հատկացնել հայրենական արտադրության հաղորդումներին,

3) մշակել և իրականացնել ծրագրային քաղաքականություն, համաձայն որի՝  
ա. հասարակական առավել հնչեղություն ունեցող տեղեկատվության հեռարձակման համար օգտագործել ամենաշատ դիտելիություն ունեցող եթերային ժամանակը՝ ներկայացնելով խնդրի կամ հարցի վերաբերյալ կարծիքների բազմազանությունը,

բ. լսարանին մատուցել այնպիսի հաղորդաշարեր և հաղորդումներ, որոնցում ներկայացվում են Հայաստանի Հանրապետության տարբեր տարածաշրջանների, ազգային փոքրամասնությունների, հասարակության տարբեր շերտերի ու սոցիալական խմբերի շահերը,

գ. արտադրել և մատուցել այնպիսի հաղորդաշարեր և հաղորդումներ, որոնք ուղղված են բնակչության իրավագիտակցության բարձրացմանը, աշխարհաքաղաքական իրադարձությունների մասին հանրությանը համալիր տեղեկատվության տրամադրմանը, Հայաստանի Հանրապետությունում աղետների կառավարմանը և դրանց հետևանքների հաղթահարմանը,

դ. եթերային ժամանակ տրամադրել Հայաստանի Հանրապետության ազգային փոքրամասնությունների կյանքի, մշակույթի, այդ թվում՝ իրենց լեզուների մասին հաղորդումների հեռարձակման համար:

5. Երկրի ամբողջ բնակչության համար Հանրային հեռուստատեսության և Հանրային ռադիոյի ծրագրերի հասանելիություն ապահովելու նպատակով, բացի վերգետնյա եթերային հեռուստահեռարձակումից և ռադիոհեռարձակումից, պետք է օգտագործվեն տարածման ժամանակակից բոլոր մյուս հնարավորությունները, այդ թվում՝ արբանյակային և մալուխային տեխնոլոգիաները, ինտերնետը, սոցիալական ցանցերը և այլ կոնվերգենտ հարթակներ:

6. Հանրային հեռուստաընկերությունում և Հանրային ռադիոընկերությունում Հանրապետության նախագահի, Վարչապետի, Ազգային ժողովի, Կառավարության պաշտոնական հաղորդագրությունների տևողությունը նրանցից յուրաքանչյուրի համար մեկ օրվա ընթացքում չի կարող գերազանցել 3 րոպեն:

Հանրային հեռուստաընկերությամբ և հանրային ռադիոընկերությամբ հեռարձակման ենթակա պաշտոնական հաղորդագրության արտադրությունն իրականացնում է այդ հաղորդագրությունը ներկայացնող մարմնի աշխատակազմը (ստորաբաժանումը) կամ այդ մարմնի համաձայնությամբ՝ Հանրային հեռուստաընկերությունը կամ Հանրային ռադիոընկերությունը կամ այլ հեռուստառադիոընկերություններ:

Մույն հոդվածի առաջին պարբերությամբ նախատեսված սահմանափակումը չի տարածվում Հանրային հեռուստաընկերության և Հանրային ռադիոընկերության խմբագրակազմերի պատրաստած լրատվական նյութերի վրա:

7. Հանրային հեռուստատեսությամբ և Հանրային ռադիոյի ընդհանուր ուղղվածության ալիքով արգելվում է հեռարձակել գովազդ, բացառությամբ սոցիալական գովազդի, ինչպես նաև մշակութային, ուսումնական, գիտակրթական և սպորտային հաղորդումների հովանավորների մասին սույն օրենքին համապատասխան տեղեկություններ նշելու դեպքերի: Հանրային հեռուստատեսությամբ և Հանրային ռադիոյով հեռարձակվող սոցիալական գովազդի, ինչպես նաև մշակութային, ուսումնական, գիտակրթական և սպորտային հաղորդումների հովանավորների մասին հիշատակումը չպետք է գերազանցի հաղորդման տևողության 2.5 տոկոսը:

8. Մույն հոդվածի 4-րդ մասի դրույթները չեն տարածվում Հանրային հեռուստատեսության արբանյակային կապով եթերի հեռարձակումների, ինչպես նաև Հանրային հեռուստատեսությամբ միջազգային հեղինակավոր մշակութային կամ սպորտային իրադարձությունների այն վերահեռարձակումների վրա, որոնց շրջանակներում դրանց կազմակերպիչների պահանջով պարտադիր պետք է ցուցադրվեն գովազդներ:

9. Հանրային հեռուստաընկերության և Հանրային ռադիոընկերության աշխատակիցների գործադուլի ժամանակ վերջիններս պարտավոր են ապահովել լրատվական հաղորդումների օրական առնվազն երկու թողարկում՝ առավոտյան և երեկոյան:

10. Հանրային հեռուստաընկերության մշակութային-գիտակրթական, մանկական և երիտասարդական, մարզական, երաժշտական-ժամանցային մասնագիտացված ալիքների, ինչպես նաև Հանրային ռադիոընկերության մասնագիտացված ալիքների հաղորդումների վրա չեն տարածվում այն կարգավորումները, որոնք նախատեսված են սույն հոդվածի 4-րդ մասով:

11. Հանրային հեռուստաընկերության և Հանրային ռադիոընկերության կանոնադրությունները հաստատում է Խորհուրդը:

12. Հանրային հեռուստաընկերության և Հանրային ռադիոընկերության գործադիր տնօրենները լրատվական, հասարակական-քաղաքական, կրթական, մշակութային և ժամանցային բնույթի հաղորդումների բազմազանության ապահովման վիճակի վերաբերյալ հաշվետվություն են ներկայացնում Խորհրդին, որը դրանք հաստատելուց հետո ներկայացնում է Հանձնաժողովին:

13. Հանրային հեռուստաընկերության և Հանրային ռադիոընկերության հաշվետվությունների ներկայացման կարգը և հաշվետվությունների ձևը սահմանվում են Հանձնաժողովի որոշմամբ:

14. Հանրային հեռուստաընկերությունը և Հանրային ռադիոընկերությունը գործում են սույն օրենքին, իրենց կանոնադրությանը և այլ իրավական ակտերին համապատասխան:

## Հողված 28. Հանրային հեռուստառադիոընկերության խորհուրդը

1. Հանրային հեռուստաընկերության և հանրային ռադիոընկերության կառավարման մարմինը Խորհուրդն է:

2. Խորհուրդը բաղկացած է հինգ անդամից՝ Խորհրդի նախագահ և Խորհրդի 4 անդամ: Խորհրդում պետք է ապահովվի սեռային ներկայացվածությունը:

3. Խորհրդի անդամները նշանակվում են մրցութային կարգով Վարչապետի կողմից՝ վեց տարի ժամկետով:

3.1. Խորհրդի նախագահին ընտրում է խորհուրդը՝ իր կազմից:

4. Խորհրդի անդամները պետք է լինեն լրագրության, հեռուստառադիոհեռարձակման, կառավարման բնագավառի, գիտության, մշակույթի և արվեստի հեղինակավոր գործիչներ, ունենան բարձրագույն կրթություն և տիրապետեն հայոց լեզվին:

5. Խորհրդի անդամ չեն կարող լինել՝

1) կուսակցությունների ղեկավար մարմինների անդամները,  
2) օտարերկրյա քաղաքացի և քաղաքացիություն չունեցող անձը,  
3) այլ հեռուստաընկերությունների և ռադիոընկերությունների հետ աշխատանքային պայմանագրեր ունեցող անձինք,  
4) մասնավոր հեռուստաընկերությունների և ռադիոընկերությունների ղեկավարները, մասնակիցները (բաժնետեր, փայտեր) և նրանց փոխկապակցված անձինք,

5) Հանրապետության նախագահի հետ փոխկապակցված անձինք,

6) Վարչապետի, Ազգային ժողովի նախագահի և նրանց տեղակալների հետ փոխկապակցված անձինք,

7) դատարանի օրինական ուժի մեջ մտած վճռով անգործունակ կամ սահմանափակ գործունակ ճանաչված անձը,

8) հանցագործության համար դատապարտված անձը, որի դատվածությունը սահմանված կարգով հանված կամ մարված չէ:

6. Խորհրդի նախագահը և անդամները չեն կարող կատարել այլ վճարովի աշխատանք, բացառությամբ գիտական, կրթական կամ ստեղծագործական աշխատանքի, նրանք չեն կարող պայմանագրային հարաբերություններ ունենալ հանրային հեռուստաընկերության և ռադիոընկերության հետ:

7. Խորհրդի նախագահը և անդամները նշանակվելուց հետո՝ մեկ ամսվա ընթացքում պարտավոր են՝

1) դադարեցնել ձեռնարկատիրական կամ քաղաքական գործունեությամբ զբաղվելը,

2) ազատվել պետական կամ տեղական ինքնակառավարման մարմիններում, կուսակցության ղեկավար մարմնում, ինչպես նաև առևտրային կազմակերպություններում զբաղեցրած պաշտոններից,

3) ազատվել վճարովի հիմունքներով աշխատանքից, բացառությամբ գիտական, կրթական կամ ստեղծագործական աշխատանքի:

## **Հոդված 29. Խորհրդի գործունեության կարգը**

1. Խորհուրդը գործում է սույն օրենքի, այլ օրենքների և իր հաստատած կանոնակարգի համաձայն:
2. Խորհուրդն իր աշխատանքներն իրականացնում է ամենօրյա գործունեության, հրավիրվող հերթական ու արտահերթ նիստերի միջոցով: Խորհրդի հերթական նիստերը գումարում է Խորհրդի նախագահը՝ ըստ անհրաժեշտության, բայց ոչ պակաս, քան ամիսը մեկ անգամ:
3. Խորհրդի նախագահի բացակայության, ինչպես նաև նրա կողմից իր պարտականությունները կատարելու անհնարինության դեպքում նիստը վարում է Խորհրդի տարիքով ավագ անդամը:
4. Խորհրդի արտահերթ նիստը հրավիրում է Խորհրդի նախագահը՝
  - 1) իր նախաձեռնությամբ,
  - 2) Խորհրդի առնվազն երկու անդամի պահանջով:
5. Խորհրդի նիստն իրավագոր է, եթե նիստին ներկա է Խորհրդի անդամների կեսից ավելին:
6. Խորհրդի որոշումներն ընդունվում են Խորհրդի անդամների ընդհանուր թվի ձայների մեծամասնությամբ:
7. Խորհրդի նիստերն արձանագրվում են:
8. Խորհրդի նիստերին հրավիրվում են Հանրային հեռուստաընկերության և Հանրային ռադիոընկերության ղեկավար կազմի այն աշխատակիցները, որոնց գործունեությունն առնչվում է նիստում քննարկվելիք հարցերին: Կարող են հրավիրվել նաև ոլորտի մասնագետներ և փորձագետներ:
9. Խորհուրդն ապահովում է իր գործունեության հրապարակայնությունը: Խորհուրդն իր գործունեության, ընդունած որոշումների և ծրագրերի մասին պարբերաբար տեղեկատվություն է տրամադրում զանգվածային լրատվության միջոցներին և հրապարակում իր պաշտոնական կայքում:
10. Խորհուրդն իր որոշմամբ Խորհրդի անդամների միջև բաշխում է պարտականությունները՝ սահմանելով յուրաքանչյուր անդամի պատասխանատվությունը՝ գործունեության որոշակի ուղղությունների համար:
11. Խորհրդի նախագահի և անդամների աշխատավարձը որոշվում է «Պետական պաշտոններ և պետական ծառայության պաշտոններ զբաղեցնող անձանց վարձատրության մասին» Հայաստանի Հանրապետության օրենքով սահմանված բազային աշխատավարձը Վարչապետի որոշմամբ սահմանված գործակիցներով բազմապատկելու միջոցով:

## **Հոդված 30. Խորհրդի անդամների նշանակման կարգը և լիազորությունների դադարումը**

1. Խորհրդի անդամի թափուր տեղի համալրման մրցույթն անցկացնելու նպատակով Հեռուստատեսության և ռադիոյի հանձնաժողովը ձևավորում է մրցութային հանձնաժողով, որը բաղկացած է 5 անդամից, ներառյալ՝ նախագահը:
2. Մրցութային հանձնաժողովի նախագահը և անդամները ընտրվում են 6 տարի ժամկետով:

3. Մրցութային հանձնաժողովի անդամ կարող են լինել լրագրության, հեռուստառադիոհեռարձակման կառավարման բնագավառի, գիտության, մշակույթի և արվեստի հեղինակավոր գործիչներ, ինչպես նաև հասարակական կազմակերպությունների ներկայացուցիչներ:

4. Մրցութային հանձնաժողովի անդամների ընտրության կարգը սահմանում է Հեռուստատեսության և ռադիոյի հանձնաժողովը:

5. Մրցութային հանձնաժողովի ընթացիկ գործունեությունն սպասարկում է Հեռուստատեսության և ռադիոյի հանձնաժողովի աշխատակազմը:

6. Մրցութային հանձնաժողովն իր գործունեությունն իրականացնում է նիստերի միջոցով: Մրցութային հանձնաժողովի նիստերը հրավիրում և վարում է մրցութային հանձնաժողովի նախագահը, դրա անհնարինության դեպքում՝ մրցութային հանձնաժողովի ներկա անդամներից տարիքով ավագը:

7. Մրցութային հանձնաժողովի նիստերն իրավագոր են, եթե դրանց մասնակցում է նրա անդամների կեսից ավելին:

8. Մրցութային հանձնաժողովի անդամները գործում են հասարակական հիմունքներով: Մրցութային հանձնաժողովի անդամներն ստանում են փոխհատուցում որպես մրցութային հանձնաժողովի անդամ կատարած ծախսերի և աշխատաժամանակի համար: Փոխհատուցման չափը և կարգը սահմանում է Վարչապետը:

9. Խորհրդի անդամի թափուր տեղի առկայության դեպքում Խորհրդի նախագահը, իսկ Խորհրդի նախագահի թափուր տեղի առկայության դեպքում Խորհրդի տարիքով ավագ անդամը թափուր տեղն առաջանալուց հետո այդ մասին գրավոր տեղեկացնում է մրցութային հանձնաժողովի նախագահին:

10. Խորհրդի անդամի թափուր տեղի վերաբերյալ գրավոր տեղեկատվությունն ստացվելուց հետո մրցութային հանձնաժողովի նախագահը մեկշաբաթյա ժամկետում հրապարակային ծանուցումների պաշտոնական կայքում, ինչպես նաև Հեռուստատեսության և ռադիոյի հանձնաժողովի պաշտոնական կայքում հայտարարություն է տարածում թափուր տեղի համալրման համար մրցութի անցկացման վերաբերյալ:

11. Հայտարարության մեջ նշվում են՝

1) խորհրդի անդամության թեկնածուին ներկայացվող պահանջները,

2) մրցութին մասնակցելու համար ներկայացվող անհրաժեշտ փաստաթղթերի ցանկը, դրանք ներկայացնելու վայրը, ժամկետը, մրցութի անցկացման օրը և ժամը:

12. Մրցութին չեն կարող մասնակցել սույն օրենքի 27-րդ հոդվածի 5-րդ մասում նշված անձինք, ինչպես նաև Հանձնաժողովի անդամները:

13. Մրցութն անցկացվում է նաև այն դեպքում, երբ դրան մասնակցելու համար դիմել է մեկ մասնակից:

14. Եթե մրցութին մասնակցելու համար ոչ մի դիմում չի ներկայացվել կամ մրցութի արդյունքով հաղթող չի ճանաչվել, ապա մրցութը համարվում է չկայացած և անցկացվում է կրկնակի մրցութ:

15. Կրկնակի մրցութն անցկացվում է ընդհանուր հիմունքներով՝ սույն հոդվածով սահմանված կարգով:

16. Փաստաթղթերը ներկայացվում են Հեռուստատեսության և ռադիոյի հանձնաժողովի աշխատակազմ՝ մրցութի անցկացման մասին հայտարարությունը

հրապարակելու օրվան հաջորդող 10 օրվա ընթացքում: Նշված ժամկետից հետո ներկայացված փաստաթղթերը մրցութային հանձնաժողովը չի քննարկում:

17. Մրցութային հանձնաժողովը, ուսումնասիրելով մրցութի մասնակիցների վերաբերյալ փաստաթղթերը, մեկ շաբաթվա ընթացքում կազմակերպում է թեկնածուների վերաբերյալ հանրային լսումներ, որին հրավիրվում են ոլորտում գործող հասարակական կազմակերպությունների և շահագրգիռ այլ կառույցների ներկայացուցիչները: Թեկնածուն հանրային լսումների ժամանակ ներկայացնում է իր պատկերացումները՝ Խորհրդի և Հանրային հեռուստատեսության և Հանրային ռադիոյի գործունեության, իր՝ իրրև խորհրդի անդամի անելիքների մասին: Հանրային լսումների մասնակիցների կարծիքները մրցութային հանձնաժողովը հաշվի է առնում հաղթողին որոշելիս:

18. Մրցութի արդյունքներով հաղթողին որոշելու նպատակով մրցութային հանձնաժողովի նիստը հրավիրվում է հանրային լսումների ավարտից հետո՝ 5 օրվա ընթացքում:

19. Մրցութային հանձնաժողովի նիստի մասին մրցութային հանձնաժողովի անդամներին նիստից առնվազն յոթ օր առաջ ծանուցում է Հեռուստատեսության և ռադիոյի հանձնաժողովի աշխատակազմը:

20. Մրցութային հանձնաժողովը, նիստի սկզբում մասնակիցների հետ անց է կացնում առանձնագրույցներ: Մրցութային հանձնաժողովը մրցութի հաղթողին որոշում է մրցութի մասնակիցների վերաբերյալ փաստաթղթերի ուսումնասիրության և առանձնագրույցների հիման վրա՝ հաշվի առնելով նաև հանրային լսումների ժամանակ ոլորտի մասնագետների հնչեցրած կարծիքները, ինչպես նաև փակ նիստում քննարկումը:

21. Մրցութային հանձնաժողովի որոշումներն ընդունվում են նրա անդամների ընդհանուր թվի ձայների մեծամասնությամբ: Մրցութային հանձնաժողովի անդամները քվեարկում են յուրաքանչյուրը իր նախընտրած մեկ թեկնածուի օգտին: Առավել ձայն ստացածը համարվում է ընտրված Խորհրդի անդամ: Հավասար ձայների դեպքում անց է կացվում երկրորդ փուլ: Քվեարկությունը կատարվում է փակ նիստում:

22. Մրցութի արդյունքով մրցութային հանձնաժողովն ընդունում է հետևյալ որոշումներից մեկը.

- 1) մրցութը չկայացած համարելու և կրկնակի մրցութ անցկացնելու մասին,
- 2) մրցութում հաղթող ճանաչելու մասին:

23. Մրցութային հանձնաժողովը մրցութի արդյունքով հաղթող է ճանաչում մեկ մասնակցի:

24. Մրցութային հանձնաժողովի կողմից մրցութում հաղթող ճանաչվելու մասին որոշումն ընդունելուց հետո՝ եռօրյա ժամկետում, Վարչապետը Խորհրդի անդամ է նշանակում մրցութում հաղթած մասնակցին:

25. Առաջին կրկնակի մրցութը չկայացած համարվելու դեպքում մինչև մրցութային հանձնաժողովի կողմից կրկնակի մրցութների արդյունքում հաղթող ճանաչելը Վարչապետը տասնօրյա ժամկետում նշանակում է Խորհրդի անդամի ժամանակավոր պաշտոնակատար, որը պետք է բավարարի Խորհրդի անդամին սույն օրենքով ներկայացվող պահանջները:

26. Մրցութի համար անհրաժեշտ փաստաթղթերի ցանկը և դրանց ներկայացման կարգը սահմանում է Հեռուստատեսության և ռադիոյի հանձնաժողովը:

27. Մրցութային հանձնաժողովի նիստերի նախապատրաստումը, արձանագրումը, ինչպես նաև ընդունված որոշումների առաքումն ապահովում է Հեռուստատեսության և ռադիոյի հանձնաժողովի աշխատակազմը:

28. Խորհրդի անդամները նախքան պաշտոնավարման ժամկետը լրանալը չեն կարող հետ կանչվել իրենց պաշտոններից, բացառությամբ այն դեպքերի, երբ Խորհրդի անդամը՝

- 1) հրաժարական է տվել,
- 2) ընտրվել կամ նշանակվել է որևէ պաշտոնում,
- 3) վերջին մեկ տարվա ընթացքում անհարգելի պատճառով չի մասնակցել Խորհրդի՝ երկու անընդմեջ կամ ընդհանուր առմամբ երեք նիստերին,
- 4) նրա նկատմամբ կայացված մեղադրական դատավճիռը մտել է օրինական ուժի մեջ,
- 5) կորցրել է Հայաստանի Հանրապետության քաղաքացիությունը կամ ձեռք է բերել այլ պետության քաղաքացիություն,
- 6) դատարանի՝ օրինական ուժի մեջ մտած վճռով ճանաչվել է անգործունակ կամ սահմանափակ գործունակ,
- 7) չի կատարել սույն օրենքի 27-րդ հոդվածի 6-րդ մասով սահմանված պարտականությունը,
- 8) մահացել է:

### **Հոդված 31. Խորհրդի նախագահը**

1. Խորհրդի նախագահը՝
  - 1) կազմակերպում է Խորհրդի և նրա աշխատակազմի գործունեությունը,
  - 2) գումարում է Խորհրդի նիստերը և նախագահում է դրանք, ստորագրում է Խորհրդի ընդունած որոշումները և նիստերի արձանագրությունները,
  - 3) վերահսկում է Խորհրդի որոշումների կատարումը,
  - 4) ընդունում և ազատում է Խորհրդի աշխատակազմի աշխատողներին,
  - 5) համակարգում և ապահովում է Խորհրդի բնականոն աշխատանքը:
2. Խորհրդի նախագահի բացակայության կամ պաշտոնեական պարտականությունները կատարելու անհնարինության դեպքում նրան փոխարինում է Խորհրդի տարիքով ավագ անդամը, որը փոխհատուցում է ստանում այդ պարտականությունները կատարելու համար:

### **Հոդված 32. Խորհրդի իրավասությունները**

1. Խորհուրդը՝
  - 1) սահմանում է Հանրային հեռուստատեսությամբ և Հանրային ռադիոյով հաղորդումների հեռարձակման ընդհանուր ծավալը և հանրային ալիքների թիվը,
  - 2) հաստատում է Հանրային հեռուստաընկերության և Հանրային ռադիոընկերության կառուցվածքը,
  - 3) սահմանում է Հանրային հեռուստաընկերության և Հանրային ռադիոընկերության ֆինանսական միջոցների օգտագործման կարգը և ուղղությունները,

4) հաստատում է Հանրային հեռուստաընկերության և Հանրային ռադիոընկերության աշխատողների հաստիքացուցակը, պաշտոնները, նրանց հետ կնքվող պայմանագրերի ձևերը, պայմանները և վարձատրման կարգը,

5) սահմանում է Հանրային հեռուստաընկերության և Հանրային ռադիոընկերության այն պաշտոնների ցանկը, որոնք զբաղեցնողներն իրավունք չունեն աշխատելու այլ հեռուստաընկերություններում և ռադիոընկերություններում կամ զանգվածային լրատվության այլ միջոցներում,

6) սահմանում է Հանրային հեռուստաընկերության և Հանրային ռադիոընկերության գործադիր տնօրենների թափուր տեղերի համալրման համար մրցույթի անցկացման կարգը,

7) մրցույթի արդյունքներով նշանակում է Հանրային հեռուստաընկերության և Հանրային ռադիոընկերության գործադիր տնօրեններ,

8) պաշտոնից ազատում է Հանրային հեռուստաընկերության և Հանրային ռադիոընկերության գործադիր տնօրեններին,

9) Հանրային հեռուստաընկերության և Հանրային ռադիոընկերության գործադիր տնօրենների ներկայացմամբ նշանակում է գործադիր տնօրենների տեղակալներին,

10) յուրաքանչյուր տարի մինչև հունվարի 31-ը լսում է Հանրային հեռուստաընկերության և Հանրային ռադիոընկերության նախորդ տարվա գործունեության մասին գործադիր տնօրենների հաշվետվությունները,

11) հանրային հեռուստաընկերության և հանրային ռադիոընկերության տնօրենների ներկայացմամբ պարբերաբար՝ տարեկան առնվազն երկու անգամ, հաստատում է ծրագրային քաղաքականությունը,

12) հաստատում է իր կանոնադրությունը և հանրային հեռուստաընկերության և հանրային ռադիոընկերության կառուցվածքը, որը տեղադրվում է պաշտոնական կայքում,

13) հաստատում է Խորհրդի աշխատակազմի կառուցվածքը և հաստիքացուցակը,

14) հաստատում է իր կանոնադրությունը, որը տեղադրվում է պաշտոնական կայքում,

15) կազմում և հաստատում է Հանրային հեռուստաընկերության և Հանրային ռադիոընկերության լրագրողների էթիկայի կանոնագիրը, որը տեղադրվում է պաշտոնական կայքում,

16) մրցութային կարգով նշանակում է Հանրային հեռուստաընկերության և Հանրային ռադիոընկերության օմբուդսմանին (հեռուստադիտողների և ունկնդիրների շահերի պաշտպանին), որի իրավասությունները սահմանվում են սույն օրենքով,

17) սահմանում է Հանրային հեռուստաընկերության և Հանրային ռադիոընկերության օմբուդսմանի աշխատավարձը,

18) Հանրային հեռուստաընկերության և Հանրային ռադիոընկերության օմբուդսմանի առաջարկով կամ իր նախաձեռնությամբ ուսումնասիրում է լրագրողների էթիկայի կանոնագրի խախտման դեպքերը և ընդունում է համապատասխան հայտարարություններ և որոշումներ, որոնք տեղադրվում են պաշտոնական կայքում,

19) առնվազն տարին մեկ անգամ, մասնագիտացված անկախ կառույցների ներգրավմամբ, կազմակերպում է Հանրային հեռուստաընկերության և Հանրային

ռադիորնկերության գործունեության վերաբերյալ հասարակական կարծիքի ուսումնասիրություններ ու հրապարակում դրանց արդյունքները,

20) առնվազն տարին մեկ անգամ կազմակերպում է հեռուստառադիոլսարանի բաց համաժողովներ, ամփոփում և հրապարակում է դրանց արդյունքները,

21) եթերաշրջանի ծրագրային քաղաքականությունը հաստատելիս հաշվի է առնում հեռուստառադիոյան նամակները, հասարակական կարծիքի ուսումնասիրությունների և բաց համաժողովների արդյունքները,

22) Հանրային հեռուստառնկերության և Հանրային ռադիորնկերության տնօրինությունների հետ համատեղ պլանավորում և կազմակերպում է աշխատողների մասնագիտական կատարելագործման միջոցառումներ,

23) Խորհրդի որոշումները չկատարելու կամ թերի կատարելու դեպքում Հանրային հեռուստառնկերությունների և Հանրային ռադիորնկերությունների տնօրենների և/կամ նրանց տեղակալների նկատմամբ կիրառում է պատասխանատվության միջոցներ,

24) իրականացնում է օրենքով իրեն վերապահված այլ լիազորություններ:

2. Խորհրդի որոշումներն իրենց իրավասության շրջանակներում կատարում են հանրային հեռուստառնկերության և հանրային ռադիորնկերության գործադիր տնօրենները:

3. Խորհուրդն իր գործունեության, ընդունած որոշումների և ծրագրերի մասին պարբերաբար տեղեկություններ է տրամադրում զանգվածային լրատվության միջոցներին:

4. Խորհուրդն իր աշխատանքները կազմակերպում է աշխատակազմի միջոցով: Խորհրդի աշխատակազմը «Հանրային հեռուստառադիորնկերության խորհրդի աշխատակազմ» պետական հիմնարկն է:

### **Հոդված 33. Հանրային հեռուստառնկերության և Հանրային ռադիորնկերության օմբուդսմանը**

1. Հանրային հեռուստառնկերության և Հանրային ռադիորնկերության օմբուդսմանը (հեռուստառադիոյան և ունկնդիրների շահերի պաշտպանը) Խորհրդի կողմից մրցութային կարգով նշանակվող անկախ պաշտոնյա է, որը հետևում է Հանրային հեռուստատեսության և Հանրային ռադիոյի լրագրողների էթիկայի կանոնագրի պահպանմանը:

2. Օմբուդսմանը՝

1) ընդունում է էթիկայի կանոնագրի խախտումների վերաբերյալ հեռուստառադիոյան և ռադիոունկնդիրների բողոքները և դրանց վերաբերյալ տալիս է եզրակացություններ,

2) սեփական նախաձեռնությամբ, ընտրանքային կարգով ուսումնասիրում է հանրային հեռուստառնկերության և հանրային ռադիորնկերության հաղորդումների համապատասխանությունն էթիկայի կանոնագրին և տալիս է իր եզրակացությունը,

3) անհրաժեշտության դեպքում իր եզրակացությունները ներկայացնում է Խորհրդի քննարկմանը և նախապատրաստում է դրանց վերաբերյալ Խորհրդի հայտարարության կամ որոշման նախագիծը,

4) Հանրային հեռուստաընկերությանը կամ Հանրային ռադիոընկերությանը ներկայացված հերքման կամ պատասխանի պահանջի դեպքում տալիս է իր եզրակացությունը՝ դրանք հրապարակելու վերաբերյալ,

5) պատրաստում է Հանրային հեռուստաընկերության և Հանրային ռադիոընկերության հաղորդումներում նկատված սխալների և վրիպակների ուղղման տեքստերը,

6) կազմակերպում և համակարգում է քաղաքացիների նամակների, առաջարկությունների հետ աշխատանքը, ապահովում է պատասխանների ժամանակին ու լիարժեք տրամադրումը,

7) Հանրային հեռուստաընկերության և Հանրային ռադիոընկերության պաշտոնական կայքերում վարում է իր պունակը, որում պարբերաբար հանդես է գալիս էթիկական խնդիրների, նկատված խախտումների և իր գործունեության մասին հրապարակումներով:

3. Օմբուդսմանի աշխատավարձի չափը, որը չի կարող քիչ լինել Խորհրդի անդամի աշխատավարձից, սահմանում է Խորհուրդը:

### **Հոդված 34. Հանրային հեռուստաընկերության և Հանրային ռադիոընկերության գործադիր տնօրենների իրավասությունները**

1. Հանրային հեռուստաընկերության և հանրային ռադիոընկերության գործադիր տնօրենները՝

1) ղեկավարում են հանրային հեռուստաընկերության և հանրային ռադիոընկերության ընթացիկ գործունեությունը,

2) մշակում և Խորհրդի հաստատմանն են ներկայացնում ծրագրերի կառուցվածքը, դրանց առանձին բաժինների համամասնությունները, հաղորդացանցը,

3) նշանակում և ազատում են հանրային հեռուստաընկերության և հանրային ռադիոընկերության կառուցվածքային ստորաբաժանումների ղեկավարներին,

4) ընդունում են հրամաններ,

5) կնքում են պայմանագրեր և վերահսկում դրանց կատարումը,

6) խորհրդակցական ձայնի իրավունքով մասնակցում են Խորհրդի աշխատանքներին,

7) Հայաստանի Հանրապետությունում, օտարերկրյա պետություններում և միջազգային կազմակերպություններում ներկայացնում են Հանրային հեռուստաընկերությունը և Հանրային ռադիոընկերությունը,

8) իրենց իրավասության սահմաններում առանց լիազորագրի հանդես են գալիս Հանրային հեռուստաընկերության և Հանրային ռադիոընկերության անունից և ներկայացնում են նրանց շահերը,

9) օրենքով, այլ իրավական ակտերով և Հանրային հեռուստաընկերության և Հանրային ռադիոընկերության կանոնադրությամբ սահմանված կարգով տնօրինում են հանրային հեռուստաընկերությանը և հանրային ռադիոընկերությանը պատկանող գույքը, այդ թվում՝ ֆինանսական միջոցները,

10) տալիս են Հանրային հեռուստաընկերության և Հանրային ռադիոընկերության անունից հանդես գալու լիազորագրեր, այդ թվում՝ վերալիազորման իրավունքով լիազորագրեր,

11) նշանակում և ազատում են Հանրային հեռուստարձևերության և Հանրային ռադիոընկերության աշխատողներին, նրանց նկատմամբ կիրառում են խրախուսման միջոցներ և նշանակում կարգապահական տույժեր՝ հաշվի առնելով նաև էթիկայի կանոնագրի խախտումների վերաբերյալ Խորհրդի ընդունած որոշումները,

12) Խորհրդի հաստատմանն են ներկայացնում հանրային հեռուստարձևերության և հանրային ռադիոընկերության տարեկան հաշվետվությունները,

13) ապահովում են աշխատողների մասնագիտական կատարելագործումը,

14) իրականացնում են օրենքով, իրավական այլ ակտերով և Հանրային հեռուստարձևերության և Հանրային ռադիոընկերության կանոնադրությամբ նախատեսված այլ իրավասություններ:

2. Հանրային հեռուստարձևերության և Հանրային ռադիոընկերության գործադիր տնօրենները նշանակվում և ազատվում են Խորհրդի անդամների ընդհանուր թվի ձայների մեծամասնությամբ՝ մինչև 5 տարի ժամկետով:

3. Հանրային հեռուստարձևերության և Հանրային ռադիոընկերության գործադիր տնօրենների բացակայության կամ պաշտոնեական պարտականությունները կատարելու անհնարինության դեպքերում նրանց փոխարինում և նրանց լիազորություններն իրականացնում են Հանրային հեռուստարձևերության և Հանրային ռադիոընկերության գործադիր տնօրենների տեղակալները:

4. Գործադիր տնօրենների տեղակալները նշանակվում են Խորհրդի անդամների ընդհանուր թվի ձայների մեծամասնությամբ:

### **Հոդված 35. Հանրային հեռուստարձևերության և Հանրային ռադիոընկերության ֆինանսավորումը**

1. Խորհուրդը «Հայաստանի Հանրապետության բյուջետային համակարգի մասին» Հայաստանի Հանրապետության օրենքով սահմանված կարգով առաջիկա տարվա բյուջետային գործընթացն սկսելու մասին Վարչապետի որոշմամբ սահմանված ժամկետում յուրաքանչյուր տարի կազմում և պետական ֆինանսների կառավարման բնագավառում Հայաստանի Հանրապետության լիազորված պետական կառավարման համակարգի մարմին է ներկայացնում Հանրային հեռուստարձևերության և Հանրային ռադիոընկերության առաջիկա տարվա բյուջետային ֆինանսավորման հայտերը՝ առանձին նշելով Խորհրդին, Հանրային հեռուստարձևերությանը և Հանրային ռադիոընկերությանը հատկացվելիք գումարները առաջիկա տարվա պետական բյուջեի նախագծում ներառելու համար:

2. Հանրային հեռուստարձևերության և Հանրային ռադիոընկերության հաջորդ տարվա ծախսերի նախահաշիվը հաստատում է Խորհուրդը՝ Հանրային հեռուստարձևերության և Հանրային ռադիոընկերության գործադիր տնօրենների ներկայացմամբ:

### **Հոդված 36. Հանրային հեռուստարձևերության և Հանրային ռադիոընկերության տարեկան հաղորդումը**

Խորհուրդը մինչև յուրաքանչյուր տարվա ապրիլի 1-ը Հանրային հեռուստարձևերության և Հանրային ռադիոընկերության նախորդ տարվա

գործունեության վերաբերյալ հաղորդում է ներկայացնում Հանձնաժողովին և այն հրապարակում է իր պաշտոնական կայքում:

## ԳԼՈՒԽ 5

### ՀԵՌՈՒՍՏՍԵՍՈՒԹՅԱՆ ԵՎ ՌԱԴԻՈՅԻ ՀԱՆՁՆԱԺՈՂՈՎԸ

#### Հոդված 37. Հեռուստատեսության և ռադիոյի հանձնաժողովը

1. Սահմանադրության 196-րդ հոդվածի համաձայն՝ Հանձնաժողովը անկախ պետական մարմին է, որն ապահովում է հեռարձակվող լրատվության միջոցների ազատությունը, անկախությունը և բազմազանությունը, վերահսկում է հեռուստաընկերությունների և ռադիոընկերությունների գործունեությունը:

2. Հանձնաժողովն ունի Հայաստանի Հանրապետության զինանշանով և իր անվանմամբ կնիք, դրոշմակնիք, ձևաթուղթ և անհատականացման այլ միջոցներ:

3. Հանձնաժողովն օրենքով իրեն վերապահված իրավասության շրջանակներում կամ հատուկ լիազորությունների առկայության դեպքում ներկայացնում է Հայաստանի Հանրապետությունն այլ պետություններում և միջազգային կազմակերպություններում: Հանձնաժողովը կարող է համագործակցել այլ պետությունների համապատասխան կառույցների և միջազգային կազմակերպությունների հետ:

4. Հանձնաժողովի նստավայրը Երևան քաղաքն է: Իր որոշմամբ Հանձնաժողովը կարող է արտագնա նիստեր գումարել նաև այլ համայնքներում:

#### Հոդված 38. Հանձնաժողովի լիազորությունները

1. Հանձնաժողովը՝

1) սահմանում է հեռուստաընկերություն կամ ռադիոընկերություն (այդ թվում՝ վերահեռարձակում իրականացնելու նպատակով ստեղծվող) հիմնելու մասին հեղինակագործման դիմումների ձևն ու դրանում պարտադիր ներկայացվելիք տեղեկությունների ցանկը,

2) ի գիտություն է ընդունում հեռուստաընկերություն կամ ռադիոընկերություն հիմնելու մասին հեղինակագործման դիմումները և տալիս է հեղինակագործման վկայական,

3) դիմումում թերություններ կամ պակասող տեղեկություններ հայտնաբերելու դեպքում՝ հինգ աշխատանքային օրվա ընթացքում տեղեկացնում է հեռուստաընկերության կամ ռադիոընկերության հիմնադիրներին՝ առաջարկելով շտկել թերությունները,

4) հաստատում է մասնավոր մուլտիպլեքսորի և կաբելային (մալուխային) ցանցի օպերատորի գործունեության լիցենզիաների ձևերը,

5) սահմանում է մասնավոր մուլտիպլեքսորի գործունեության լիցենզավորման մրցույթի կազմակերպման կարգը և պայմանները,

6) հրապարակային և մրցութային կարգով իրականացնում է մասնավոր մուլտիպլեքսորի լիցենզավորումը, ապահովում է մրցույթի արդյունքների մասին

ամբողջական տեղեկությունների հրապարակումը և տրամադրում է մասնավոր մուլտիպլեքսորի լիցենզիան,

7) իրականացնում է հեռուստառադիոձրագրերի կաբելային (մալուխային) ցանցի հեռարձակման լիցենզավորումը և տրամադրում է լիցենզիան,

8) տարին մեկ անգամ հրապարակում է վերգետնյա եթերային հեռարձակման հաճախականությունների ամբողջական ցանկը՝ հիմք ընդունելով լիազորված պետական կառավարման մարմնի կազմած և պարբերաբար իրեն տրամադրվող՝ Հայաստանի Հանրապետության տարածքում հեռուստառադիոհաղորդումների հեռարձակման համար նախատեսված վերգետնյա եթերային հաճախությունների ցանկը,

9) կազմում և հրապարակում է լիցենզավորված անձանց ցուցակը, հսկողություն է իրականացնում լիցենզիայում նշված պայմանների կատարման նկատմամբ,

10) թույլատրում է մասնավոր մուլտիպլեքսորների կողմից բաժանորդային հեռարձակումը,

11) հեռուստառադիոհաղորդումների տեսագրությունների և ձայնագրությունների ընտրանքային դիտարկման միջոցով պարզում է դրանց համապատասխանությունը օրենսդրությանը և ծանուցման մեջ նշված պայմաններին,

12) վերահսկում է հեռուստառադիոհաղորդումների պատրաստման տեխնիկական չափանիշների, ինչպես նաև տեխնիկական միջոցների համապատասխանությունը գործող ստանդարտներին և տրված հավաստագրին,

13) սույն օրենքի խախտման կամ լիցենզիայի պայմանները կամ իր որոշումները չկատարելու դեպքում կիրառում է պատասխանատվության միջոցներ,

14) վերահսկում է հեռուստաընկերությունների և ռադիոընկերությունների կողմից նախընտրական քարոզչության «Հայաստանի Հանրապետության ընտրական օրենսգիրք» սահմանադրական օրենքով սահմանված կարգի պահպանումը,

15) նախընտրական քարոզչության սահմանված կարգի խախտումներ հայտնաբերելու դեպքում դիմում է դատարան՝ տվյալ հեռուստառադիոընկերությանը օրենքով սահմանված կարգով պատասխանատվության ենթարկելու հայցով,

16) ուսումնասիրում և պատասխանում կամ եզրակացություն է տալիս հեռուստառադիոընկերությունների գործունեության վերաբերյալ բողոքներին, առաջարկություններին և հարցումներին,

17) իրականացնում է հեռուստառադիոընկերությունների գործունեության մշտադիտարկում,

18) ներգրավվում է հեռուստատեսության և ռադիոյի բնագավառին առնչվող միջազգային պայմանագրերի և իրավական ակտերի նախագծերի մշակմանը,

19) «Հայաստանի Հանրապետությունում ստուգումների կազմակերպման և անցկացման մասին» Հայաստանի Հանրապետության օրենքով սահմանված կարգով և դեպքերում իրականացնում է ստուգումներ և ուսումնասիրություններ,

20) ուսումնասիրություն է իրականացնում Հանրային հեռուստատեսությունում և Հանրային ռադիոյում տեղեկատվական, կրթական, մշակութային և ժամանցային բնույթի հաղորդումների բազմազանության ապահովման վերաբերյալ,

21) սահմանում է Հանրային հեռուստաընկերության և Հանրային ռադիոընկերության կողմից սույն օրենքի 27-րդ հոդվածի 13-րդ մասով սահմանված հաշվետվության ներկայացման կարգը և ձևը,

22) սահմանում է ռազմական կամ արտակարգ դրություն հայտարարելու ժամանակ Վարչապետին կամ Վարչապետի լիազորած՝ Կառավարության այլ անդամին եթերաժամանակ հատկացնելու կարգը և պայմանները,

23) սահմանում է Հանրային հեռուստատեսությամբ և Հանրային ռադիոյով Հայաստանի Հանրապետության ազգային փոքրամասնությունների կյանքի, մշակույթի, այդ թվում՝ իրենց լեզուների մասին հաղորդումների հեռարձակման համար տրամադրվող եթերային ժամանակի նվազագույն ժամաքանակները,

24) սահմանում է մշտադիտարկման արդյունքների վերաբերյալ արձանագրության ձևը,

25) օրենքով սահմանված կարգով ձևավորում է իր աշխատակազմը:

2. Հանձնաժողովն իրավասու մարմիններից, Հանրային հեռուստարձնկերությունից և Հանրային ռադիոընկերությունից, այլ կազմակերպություններից և պաշտոնատար անձանցից պահանջում և ստանում է անհրաժեշտ փաստաթղթեր և այլ տեղեկատվություն:

3. Սույն հոդվածի 1-ին մասի 20-րդ կետով նախատեսված ուսումնասիրության իրականացման ընթացքում թերություններ հայտնաբերելու դեպքում Հանձնաժողովն իրավասու է Հանրային հեռուստարձնկերությանը և Հանրային ռադիոընկերությանը հանձնարարելու սահմանված ժամկետում վերացնել հայտնաբերված թերությունները:

4. Հանձնաժողովի սահմանած ժամկետում թերությունները չվերացնելու դեպքում Հանձնաժողովն իրավասու է դիմելու Խորհրդին Հանրային հեռուստարձնկերության կամ Հանրային ռադիոընկերության գործադիր տնօրենի հետագա պաշտոնավարման հարցը լուծելու առաջարկով:

5. Հանձնաժողովն իր լիազորություններն իրականացնելիս կարող է հասարակական կամ պայմանագրային հիմունքներով ներգրավել մասնագետների և փորձագետների:

6. Սույն հոդվածի 1-ին մասի 4-րդ, 22-23-րդ կետերով, սույն օրենքի 11-րդ հոդվածի 2-րդ մասով, 27-րդ հոդվածի 13-րդ մասով, 49-րդ հոդվածի 3-րդ և 5-րդ մասերով, 50-րդ հոդվածի 8-րդ մասով նախատեսված լիազորություններն իրականացնելիս Հանձնաժողովն ընդունում է ենթաօրենսդրական նորմատիվ իրավական ակտեր:

### **Հոդված 39. Հանձնաժողովի գործունեության սկզբունքները**

1. Հանձնաժողովն իր գործունեությունն իրականացնում է օրինականության, ժողովրդավարության, հավասարության, անաչառության, ինքնուրույնության, կոլեգիալության և հրապարակայնության սկզբունքների հիման վրա:

### **Հոդված 40. Հանձնաժողովի կազմավորման կարգը**

1. Սահմանադրության 197-րդ հոդվածի 1-ին և 2-րդ մասերի համաձայն՝ Հանձնաժողովը բաղկացած է յոթ անդամից: Հանձնաժողովի անդամներին Ազգային ժողովի իրավասու մշտական հանձնաժողովի առաջարկությամբ ընտրում է Ազգային ժողովը՝ պատգամավորների ընդհանուր թվի ձայների առնվազն երեք հինգերորդով, վեց տարի ժամկետով:

2. Հանձնաժողովի անդամի լիազորությունների ավարտման օրվանից ոչ շուտ, քան մեկ ամիս առաջ և ոչ ուշ, քան մեկ շաբաթ առաջ, իսկ այլ հիմքով թափուր տեղ առաջանալու դեպքում՝ թափուր տեղին առաջանալուց հետո եռօրյա ժամկետում Հանձնաժողովի նախագահը, իսկ Հանձնաժողովի նախագահի թափուր տեղ առաջանալու դեպքում Հանձնաժողովի նախագահին փոխարինող անդամը այդ մասին գրավոր տեղեկացնում է Ազգային ժողովի իրավասու մշտական հանձնաժողովին:

3. Ազգային ժողովը Հանձնաժողովի անդամի ընտրությունը կատարում է Սահմանադրությամբ և «Ազգային ժողովի կանոնակարգ» Հայաստանի Հանրապետության սահմանադրական օրենքով սահմանված կարգով:

4. Հանձնաժողովն իր կազմից ընտրում է Հանձնաժողովի նախագահ: Հանձնաժողովի անդամը կարող է առաջադրվել որպես Հանձնաժողովի նախագահ ինքնաառաջադրման կամ Հանձնաժողովի որևէ այլ անդամի կողմից իր համաձայնությամբ առաջադրվելու եղանակով:

5. Հանձնաժողովի նախագահն ընտրվում է Հանձնաժողովի անդամների ընդհանուր թվի ձայների մեծամասնությամբ: Հանձնաժողովի անդամն իրավունք չունի հրաժարվելու քվեարկությունից և քվեարկում է միայն «կողմ» կամ «դեմ»:

6. Նույն անձը չի կարող ավելի քան երկու անգամ անընդմեջ ընտրվել Հանձնաժողովի անդամ, ներառյալ Հանձնաժողովի նախագահ:

7. Հանձնաժողովի նախագահն ընտրվում է մինչև Հանձնաժողովի անդամ իր պաշտոնավարման ժամկետի ավարտը:

8. Հանձնաժողովի նոր նախագահի ընտրությունը կատարվում է Հանձնաժողովի անդամի թափուր տեղը համալրվելուց հետո տասնօրյա ժամկետում:

#### **Հոդված 41. Հանձնաժողովի անդամների թեկնածուներին և անդամներին ներկայացվող պահանջները և նրանց վարձատրության կարգը**

1. Հանձնաժողովի անդամի թեկնածու կարող է լինել քսանհինգ տարին լրացած, վերջին չորս տարում միայն Հայաստանի Հանրապետության քաղաքացի հանդիսացող, վերջին չորս տարում Հայաստանի Հանրապետությունում մշտապես բնակվող, ընտրական իրավունք ունեցող և հայերենին տիրապետող յուրաքանչյուր ոք, որն ունի լրագրության, հեռուստատեսության և ռադիոյի, տնտեսության, կառավարման, ճարտարագիտության, մշակույթի, արվեստի կամ իրավագիտության առնվազն երեք տարվա մասնագիտական աշխատանքային փորձառություն, բարձրագույն կրթություն:

2. Հանձնաժողովի անդամ չեն կարող լինել՝

1) հանրային կամ մասնավոր հեռուստաընկերությունների և ռադիոընկերությունների ղեկավարները, մասնակիցները (բաժնետեր, փայատեր) և նրանց փոխկապակցված անձինք,

2) հեռուստաընկերությունների և ռադիոընկերությունների հետ պայմանագրային հարաբերությունների մեջ գտնվող անձինք, ներառյալ՝ հանրային և մասնավոր հեռուստաընկերությունների և ռադիոընկերությունների աշխատողները և նրանց փոխկապակցված անձինք,

3) պատգամավորները, Կառավարության անդամները, Հանրապետության նախագահի աշխատակազմի աշխատակիցները և հանրային ծառայողները,

4) Հանրապետության նախագահի հետ փոխկապակցված անձինք,  
5) Վարչապետի, Ազգային ժողովի նախագահի և նրանց տեղակալների հետ փոխկապակցված անձինք,

6) անձը, որը դատապարտվել է դատարանի՝ օրինական ուժի մեջ մտած դատավճռի հիման վրա, և դատվածությունը սահմանված կարգով հանված կամ մարված չէ,

7) դատարանի՝ օրինական ուժի մեջ մտած վճռով անգործունակ կամ սահմանափակ գործունակ ճանաչված անձը:

3. Սահմանադրության 197-րդ հոդվածի 5-րդ մասի համաձայն՝ Հեռուստատեսության և ռադիոյի հանձնաժողովի անդամներն իրենց լիազորությունների իրականացման ժամանակահատվածում չեն կարող լինել որևէ կուսակցության անդամ կամ որևէ այլ կերպ զբաղվել քաղաքական գործունեությամբ: Հրապարակային ելույթներում նրանք պետք է ցուցաբերեն քաղաքական զսպվածություն: Հանձնաժողովի անդամները ընտրություններին և հանրաքվեներին մասնակցում են միայն որպես ընտրող:

4. Հանձնաժողովի անդամները չեն կարող զբաղեցնել իրենց կարգավիճակով չպայմանավորված պաշտոն պետական կամ տեղական ինքնակառավարման մարմիններում, որևէ պաշտոն՝ առևտրային կազմակերպություններում, զբաղվել ձեռնարկատիրական գործունեությամբ, կատարել վճարովի այլ աշխատանք, բացի գիտական, կրթական և ստեղծագործական աշխատանքից:

5. Հանձնաժողովի անդամի լիազորություններն ստանձնելուց հետո՝ մեկ ամսվա ընթացքում, Հանձնաժողովի անդամը պարտավոր է՝

1) դադարեցնել ձեռնարկատիրական կամ քաղաքական գործունեությամբ զբաղվելը,

2) ազատվել պետական կամ տեղական ինքնակառավարման մարմիններում, ինչպես նաև առևտրային կազմակերպություններում զբաղեցրած պաշտոններից,

3) ազատվել վճարովի հիմունքներով աշխատանքից, բացառությամբ գիտական, կրթական կամ ստեղծագործական աշխատանքի:

6. Հանձնաժողովի անդամների վարձատրության հետ կապված հարաբերությունները կարգավորվում են «Պետական պաշտոններ զբաղեցնող անձանց վարձատրության մասին» Հայաստանի Հանրապետության օրենքով:

#### **Հոդված 42. Հանձնաժողովի նախագահը**

1. Հանձնաժողովի նախագահը՝

1) ապահովում է Հանձնաժողովի բնականոն գործունեության կազմակերպումը,

2) ներկայացնում է Հանձնաժողովն այլ մարմինների հետ հարաբերություններում,

3) ձևավորում է նիստերի օրակարգը, հրավիրում և վարում է Հանձնաժողովի նիստերը, ընդ որում՝ Հանձնաժողովի անդամը մասնակցում է Հանձնաժողովի նիստերի օրակարգի ձևավորմանը օրակարգի վերաբերյալ Հանձնաժողովի նախագահին առաջարկություններ ներկայացնելու միջոցով,

4) ստորագրում և հրապարակում է Հանձնաժողովի որոշումները, արձակում է հրամաններ,

5) վերահսկում է Հանձնաժողովի ընդունած որոշումների կատարումը,

- 6) Հանձնաժողովի նախորդ տարվա գործունեության մասին հաղորդումը ներկայացնում է Ազգային ժողով,
  - 7) իրականացնում է աշխատակազմի ընդհանուր ղեկավարումը,
  - 8) Հանձնաժողովի հաստատմանն է ներկայացնում աշխատակազմի կանոնադրության նախագիծը, կառուցվածքը և հաստիքացուցակը,
  - 9) օրենքով սահմանված կարգով նշանակում և ազատում է Հանձնաժողովի աշխատակիցներին,
  - 10) իրականացնում է օրենքով իրեն վերապահված այլ լիազորություններ:
2. Արձակուրդի կամ գործուղման դեպքում Հանձնաժողովի նախագահի լիազորությունները ժամանակավորապես կատարում է նրա նշանակված Հանձնաժողովի անդամը:
3. Հանձնաժողովի նախագահի կողմից արձակուրդի կամ գործուղման մեջ գտնվելու դեպքում իրեն փոխարինող չնշանակելու, ժամանակավոր անաշխատունակության, լիազորությունների դադարման կամ դադարեցման դեպքերում Հանձնաժողովի նախագահի պարտականությունները կատարում է Հանձնաժողովի տարիքով ավագ անդամը:

**Հոդված 43. Հանձնաժողովի անդամի լիազորությունների դադարումը և դադարեցումը**

- 1. Հանձնաժողովի անդամը չի կարող նախքան պաշտոնավարության ժամկետը լրանալը հետ կանչվել իր պաշտոնից:
- 2. Հանձնաժողովի անդամի լիազորությունները դադարեցվում են՝
  - 1) անհամատեղելիության պահանջները խախտելու դեպքում,
  - 2) քաղաքական գործունեությամբ զբաղվելու դեպքում,
  - 3) ժամանակավոր անաշխատունակության հետևանքով ավելի քան 4 ամիս անընդմեջ կամ ավելի քան 6 ամիս օրացուցային տարվա ընթացքում իր պաշտոնական պարտականությունները կատարելու անհնարինության, բացառությամբ մայրության, երեխայի ծննդյան կամ երեխայի որդեգրման դեպքում արձակուրդում լինելու հետ կապված պատճառներով, կամ ընտրվելուց հետո իր պաշտոնում նշանակվելուն խոչընդոտող ֆիզիկական արատ կամ հիվանդություն ձեռք բերելու դեպքում,
  - 4) տարվա ընթացքում Հանձնաժողովի նիստերին անհարգելի պատճառով առնվազն երկու անգամ չմասնակցելու դեպքում,
  - 5) քվեարկությունից հրաժարվելու կամ ձեռնպահ մնալու դեպքում, բացառությամբ սույն օրենքով նախատեսված՝ քվեարկությանը մասնակցությունը բացառող դեպքերի,
  - 6) Հանձնաժողովի նիստին իր մասնակցությունը բացառող հանգամանքների մասին չհայտնելու դեպքում:
- 3. Հանձնաժողովի անդամի լիազորությունների դադարման դեպքերն են՝
  - 1) լիազորությունների ժամկետն ավարտվելը,
  - 2) Հայաստանի Հանրապետության քաղաքացիությունը կորցնելը կամ այլ պետության քաղաքացիություն ձեռք բերելը,
  - 3) նրա նկատմամբ կայացված մեղադրական դատավճիռն օրինական ուժի մեջ մտնելը,

4) նրան անգործունակ, սահմանափակ գործունակ, անհայտ բացակայող կամ մահացած ճանաչելու վերաբերյալ դատարանի վճիռն օրինական ուժի մեջ մտնելը,

5) նրա հրաժարականը,

6) նրա մահը:

4. Հանձնաժողովի անդամի լիազորությունները սույն օրենքով սահմանված դեպքերում դադարեցնում է Ազգային ժողովը՝ պատգամավորների ընդհանուր թվի ձայների առնվազն երեք հինգերորդով:

5. Սույն հոդվածի 3-րդ մասի 5-րդ կետի հիմքով Հանձնաժողովի անդամի լիազորությունները դադարում են այդ հարցի համար հրավիրված Հանձնաժողովի նիստում Հանձնաժողովի անդամի կողմից իր հրաժարականը պնդելու կամ այդ նիստին չներկայանալու օրվանից:

6. Սույն հոդվածի 3-րդ մասի 6-րդ կետի հիմքով Հանձնաժողովի անդամի լիազորությունները դադարում են նրա մահվան օրը:

7. Սույն հոդվածի 3-րդ մասի 1-ին կետի հիմքով Հանձնաժողովի անդամի լիազորությունները դադարում են նրա լիազորությունները դադարելու օրը:

8. Սույն հոդվածի 3-րդ մասի 5-րդ և 6-րդ կետերով նախատեսված հիմքերով Հանձնաժողովի անդամի լիազորությունները դադարելու դեպքում Հանձնաժողովի նախագահը անհապաղ հայտարարություն է տարածում Հանձնաժողովի պաշտոնական կայքում:

9. Սույն հոդվածի 3-րդ մասի 2-4-րդ կետերում նշված հիմքերով Հանձնաժողովի անդամի լիազորությունները դադարում են համապատասխան հիմքի առկայությունն արձանագրող Հանձնաժողովի որոշման ընդունման օրվանից:

#### **Հոդված 44. Հանձնաժողովի ծախսերի ֆինանսավորումը**

1. Հանձնաժողովի գործունեությունը ֆինանսավորվում է պետական բյուջեից:

2. Հանձնաժողովը «Հայաստանի Հանրապետության բյուջետային համակարգի մասին» Հայաստանի Հանրապետության օրենքով սահմանված կարգով առաջիկա տարվա բյուջետային գործընթացն սկսելու մասին Վարչապետի որոշմամբ սահմանված ժամկետում յուրաքանչյուր տարի կազմում և Կառավարություն է ներկայացնում Հանձնաժողովի առաջիկա տարվա բյուջետային ֆինանսավորման հայտը (ծախսերի նախահաշիվը)՝ առաջիկա տարվա պետական բյուջեի նախագծում ներառելու համար:

3. Հանձնաժողովի բյուջետային ֆինանսավորման հայտը Կառավարության կողմից ընդունվելու դեպքում՝ անփոփոխ, իսկ առարկությունների դեպքում՝ փոփոխված, ընդգրկվում է պետական բյուջեի նախագծում: Կառավարությունը Հանձնաժողովի բյուջետային ֆինանսավորման հայտը պետական բյուջեի նախագծի հետ ներկայացնում է Ազգային ժողով: Կառավարությունը Ազգային ժողով է ներկայացնում նաև բյուջետային հայտի փոփոխությունների վերաբերյալ իր հիմնավորումը:

4. Հանձնաժողովի ծախսերի նախահաշիվը պետք է ապահովի սույն օրենքով սահմանված խնդիրների և գործառույթների պատշաճ իրականացման հնարավորությունը, այդ թվում՝ միջազգային կազմակերպություններում

ներկայացուցչության ապահովումը, ինչպես նաև Հանձնաժողովի անդամների աշխատավարձի վճարումը:

#### **Հոդված 45. Հանձնաժողովի տարեկան հաղորդումը**

1. Հանձնաժողովը մինչև յուրաքանչյուր տարվա ապրիլի 1-ը Ազգային ժողով է ներկայացնում իր նախորդ տարվա գործունեության և հեռուստատեսությունում ու ռադիոյում տեղեկատվության ազատության վիճակի և հանձնաժողովի գործունեության մասին տարեկան հաղորդում:

2. Հաղորդումը ներառում է Հանձնաժողովի գործունեությանը և լիազորություններին համապատասխան իրականացված բոլոր բաղադրիչների վերաբերյալ ամբողջական տեղեկություններ և վիճակագրական տվյալներ (ներառյալ՝ հայտարարված մրցույթների, տրված լիցենզիաների, հեռուստառադիոժրագրերի կաբելային (մալուխային) ցանցով հեռարձակման լիցենզավորման համար ներկայացված ու մերժված դիմումների և դրանց հիմնավորման, բացահայտված խախտումների և դրանց նկատմամբ կիրառված պատժամիջոցների և այլ լիազորությունների իրականացման մասին):

3. Հաղորդումը Ազգային ժողով է ներկայացնում Հանձնաժողովի նախագահը:

4. Հաղորդումն Ազգային ժողովում քննարկվում է «Ազգային ժողովի կանոնակարգ» Հայաստանի Հանրապետության սահմանադրական օրենքով սահմանված կարգով:

5. Հանձնաժողովն իր հաղորդումը հրապարակում է Հանձնաժողովի պաշտոնական կայքում:

6. Հանձնաժողովի ենթաօրենսդրական նորմատիվ իրավական ակտերը հրապարակվում են Հանձնաժողովի պաշտոնական կայքում, բացառությամբ այն դեպքերի, երբ պարունակում են օրենքով պահպանվող գաղտնիք համարվող տեղեկություններ:

#### **Հոդված 46. Հանձնաժողովի գործունեության կարգը**

1. Հանձնաժողովն իր գործունեությունը կազմակերպում է նիստերի և աշխատանքային քննարկումների միջոցով:

2. Հանձնաժողովի նիստերը հրավիրում է Հանձնաժողովի նախագահը՝ իր նախաձեռնությամբ կամ Հանձնաժողովի առնվազն երեք անդամի պահանջով:

3. Հանձնաժողովի նիստերը դռնբաց են, բացառությամբ օրենքով պահպանվող գաղտնիք պարունակող տեղեկատվության վերաբերյալ հարցերի քննարկման դեպքերի, երբ դրանք Հանձնաժողովի նիստին ներկա անդամների ձայների մեծամասնությամբ ընդունված որոշմամբ անցկացվում են դռնփակ:

4. Հանձնաժողովը իր կայքում հրապարակում է նիստերի անցկացման տեղը, ժամը և օրակարգը:

5. Հանձնաժողովի նիստին կարող է մասնակցել Հանձնաժողովի աշխատակազմի ղեկավարը՝ խորհրդակցական ձայնի իրավունքով:

6. Հանձնաժողովի նիստը վարում է Հանձնաժողովի նախագահը կամ նրան փոխարինող անձը: Նիստն իրավագոր է, եթե նիստին ներկա է Հանձնաժողովի անդամների կեսից ավելին:

7. Հանձնաժողովի որոշումներն ընդունվում են բաց քվեարկությամբ, բացառությամբ օրենքով նախատեսված դեպքերի, տվյալ նիստին ներկա Հանձնաժողովի անդամների ձայների մեծամասնությամբ:

8. Լիցենզավորման մրցույթում հաղթող ճանաչելու և տրված լիցենզիան ուժը կորցրած ճանաչելու վերաբերյալ հարցերի քննարկման դեպքում Հանձնաժողովի նիստն իրավագոր է, եթե դրան մասնակցում են Հանձնաժողովի անդամների կեսից ավելին: Սույն մասում նշված հարցերով որոշումներն ընդունվում են Հանձնաժողովի անդամների ընդհանուր թվի ձայների մեծամասնությամբ:

9. Սույն օրենքը խախտելու համար պատասխանատվության միջոցներ կիրառելու, ինչպես նաև հեռարձակողների գործունեությանն առնչվող հարցերով որոշումներն ընդունվում են Հանձնաժողովի անդամների ընդհանուր թվի ձայների մեծամասնությամբ:

10. Հանձնաժողովի նիստում քննարկվող որևէ հարցի վերաբերյալ անձնական շահագրգռվածություն կամ շահերի բախում ունեցող Հանձնաժողովի անդամը պարտավոր է քննարկումից առաջ Հանձնաժողովի նախագահին և մյուս անդամներին տեղեկացնել շահերի բախման փաստի և բնույթի մասին, որը պետք է արձանագրվի նիստի արձանագրության մեջ:

11. Այդ տեղեկացումից հետո Հանձնաժողովի համապատասխան անդամը՝

1) պարտավոր է հրաժարվել տվյալ հարցի վերաբերյալ դիրքորոշում հայտնելուց և քվեարկությանը մասնակցելուց,

2) չպետք է հաշվառվի այդ նիստի իրավագորության ապահովման նպատակով:

12. Հանձնաժողովի նիստը հետաձգվում է՝

1) քվորում չլինելու,

2) աշխատանքային օրն ավարտվելու,

3) հարցի քննությունը տվյալ նիստում անհնարին դարձնող այլ բացառիկ հանգամանքների առկայության դեպքերում:

13. Հանձնաժողովի նիստերն արձանագրում է Հանձնաժողովի աշխատակազմը: Նիստերի արձանագրություններն ստորագրում է նիստը նախագահողը: Նիստի արձանագրությունը կամ դրա մի մասը Հանձնաժողովի նախագահի հանձնարարությամբ հրապարակվում է Հանձնաժողովի պաշտոնական կայքում: Հանձնաժողովի աշխատակազմը վարում է Հանձնաժողովի որոշումների գրանցամատյան:

14. Հանձնաժողովն ընդունում է աշխատակարգ, որով սահմանվում են Հանձնաժողովի գործառույթների և լիազորությունների իրականացման ընթացակարգերը:

#### **Հոդված 47. Հեռուստաընկերությունների և ռադիոընկերությունների գործունեության մոնիտորինգ իրականացնելու կարգը**

1. Հեռուստաընկերությունների և ռադիոընկերությունների գործունեության մոնիտորինգն իրականացվում է ուղղակի դիտարկման, իսկ կաբելային (մալուխային)

հեռուստառադիոհեռարձակման դեպքում նաև հեռուստաընկերությունում և ռադիոընկերությունում տեղում դիտարկում իրականացնելու միջոցով: Ուղղակի դիտարկման արդյունքները կարող են համադրվել հեռուստաընկերությունների և ռադիոընկերությունների կողմից Հանձնաժողովին էլեկտրոնային կրիչով ներկայացված արխիվացված ծրագրի հետ:

2. Հանձնաժողովը հեռուստաընկերությունների և ռադիոընկերությունների կողմից հեռարձակվող ծրագրերի ուղղակի դիտարկումներն իրականացնում է ընտրանքային սկզբունքով՝ յուրաքանչյուր հեռուստաընկերության և ռադիոընկերության համար ամսվա ընթացքում առնվազն հինգ օր:

3. Հանրային հեռուստաընկերության և Հանրային ռադիոընկերության գործունեության մոնիտորինգը ներառում է նաև տեղեկատվական, կրթական, մշակութային և ժամանցային բնույթի հաղորդումների բազմազանության ապահովման վերաբերյալ ուսումնասիրությունը, որն իրականացվում է սույն հոդվածի 1-ին մասով սահմանված եղանակներով:

4. Կաբելային (մալուխային) հեռուստառադիոհեռարձակման դեպքում հեռուստառադիոընկերություններում մոնիտորինգն իրականացվում է Հանձնաժողովի նախագահի հրամանի հիման վրա:

5. Մոնիտորինգ իրականացնելու մասին հրամանում նշվում են՝

1) մոնիտորինգ իրականացնող մարմնի անվանումը,

2) հեռուստաընկերության կամ ռադիոընկերության լրիվ անվանումը և գտնվելու վայրը,

3) մոնիտորինգ իրականացնող անձի անունը, ազգանունը և պաշտոնը,

4) մոնիտորինգի նպատակը, ժամանակահատվածը և իրավական հիմքերը:

6. Հեռուստաընկերությունում կամ ռադիոընկերությունում մոնիտորինգն սկսելուց առաջ հրամանի մեկ օրինակը հանձնվում է հեռուստաընկերության կամ ռադիոընկերության ղեկավարին կամ նրան փոխարինող իրավասու այլ անձի:

7. Եթե հեռուստառադիոընկերության ղեկավարը կամ նրան փոխարինելու իրավունք ունեցող անձը հեռուստաընկերության կամ ռադիոընկերության գործունեության վայրում չէ կամ հրաժարվում է ստանալ մոնիտորինգ իրականացնելու վերաբերյալ հրամանը և ստորագրությամբ հավաստել այն ստանալու փաստը, ապա հրամանի պատճենը եռօրյա ժամկետում փոստային առաքման միջոցով ուղարկվում է հեռուստաընկերությանը կամ ռադիոընկերությանը, որից երեք օր անց կարող է իրականացվել մոնիտորինգ: Անհապաղ մոնիտորինգ իրականացնելու անհրաժեշտության դեպքում մոնիտորինգ իրականացնելու վերաբերյալ հրամանի օրինակը և մշտադիտարկման արդյունքների վերաբերյալ արձանագրությունը փոստային առաքման միջոցով ուղարկվում են հեռուստաընկերություն կամ ռադիոընկերություն մոնիտորինգն իրականացնելուց հետո՝ եռօրյա ժամկետում:

8. Հեռուստաընկերությունում կամ ռադիոընկերությունում մոնիտորինգ իրականացնելու դեպքում հեռուստաընկերությունը կամ ռադիոընկերությունը մոնիտորինգ իրականացնող անձանց պետք է ապահովի անհրաժեշտ աշխատանքային տարածքով և տեխնիկական միջոցներով:

9. Մոնիտորինգի արդյունքներով Հանձնաժողովի ներկայացուցիչը կազմում է արձանագրություն:

10. Մոնիտորինգի արդյունքների վերաբերյալ արձանագրության մեջ նշվում են մոնիտորինգի արդյունքների համառոտ շարադրանքը, ինչպես նաև վարչական վարույթ հարուցելու կամ հարուցված վարչական վարույթի համար էական նշանակություն ունեցող բոլոր փաստական հանգամանքները, այդ թվում՝ վարույթի մասնակիցների օգտին առկա հանգամանքները: Մոնիտորինգի արդյունքների և արխիվացված ծրագրերի համադրման դեպքում մոնիտորինգի արդյունքների վերաբերյալ արձանագրության մեջ նշվում են նաև մոնիտորինգի արդյունքների և արխիվացված ծրագրերի տվյալների միջև անհամապատասխանությունները, անհամապատասխանությունների քանակը և տևողությունը:

11. Արձանագրությանը կցվում են մոնիտորինգի առարկային վերաբերող, իսկ հեռուստաընկերությունում կամ ռադիոընկերությունում մոնիտորինգ իրականացնելու դեպքում՝ հեռուստաընկերության կամ ռադիոընկերության տիրապետության տակ գտնվող ապացույցները, որի մասին նշում է կատարվում արձանագրության մեջ:

12. Մոնիտորինգի արդյունքների մասին արձանագրությունն ուղղակի դիտարկում իրականացնելու դեպքում ստորագրում է մոնիտորինգ իրականացրած անձը, իսկ հեռուստաընկերությունում կամ ռադիոընկերությունում մոնիտորինգ իրականացնելու դեպքում՝ Հանձնաժողովի և հեռուստաընկերության կամ ռադիոընկերության ներկայացուցիչները:

13. Ուղղակի դիտարկման միջոցով իրականացված մոնիտորինգի արդյունքների վերաբերյալ արձանագրություն կազմելուց հետո՝ եռօրյա ժամկետում այդ արձանագրությունը ուղարկվում է հեռուստաընկերություն կամ ռադիոընկերություն:

14. Մոնիտորինգի արդյունքների մասին արձանագրության վերաբերյալ առարկություններ ունենալու դեպքում հեռուստաընկերությունը կամ ռադիոընկերությունը մոնիտորինգի արդյունքների վերաբերյալ արձանագրությունն ստանալուց հետո՝ եռօրյա ժամկետում կարող է դրանք ներկայացնել Հանձնաժողով:

15. Հեռուստաընկերությունում կամ ռադիոընկերությունում իրականացված մոնիտորինգի արդյունքների մասին արձանագրության վերաբերյալ առարկություններ ունենալու դեպքում հեռուստաընկերության կամ ռադիոընկերության ներկայացուցիչն այդ մասին նշում է կատարում արձանագրության մեջ և ստորագրում:

16. Եթե հեռուստառադիոընկերության ղեկավարը կամ նրան փոխարինելու իրավունք ունեցող անձը հրաժարվում է ստորագրել և ստանալ արձանագրության երկրորդ օրինակը կամ մոնիտորինգի իրականացման վայրում չէ, ապա արձանագրության երկրորդ օրինակը փոստով առաքվում է հեռուստաընկերություն կամ ռադիոընկերություն:

17. Մոնիտորինգի արդյունքների վերաբերյալ արձանագրությունը հեռուստառադիոընկերության ղեկավարին փոխարինելու իրավունք ունեցող անձի կողմից ստորագրվելու դեպքում դրա մասին համապատասխան նշում է կատարվում արձանագրության մեջ, և արձանագրությանը կցվում է այն իրավական փաստաթղթի պատճենը (կանոնադրություն, հրաման, որոշում, լիազորագիր կամ այլ փաստաթուղթ), որի հիման վրա տվյալ անձն իրավունք ունի փոխարինելու հեռուստաընկերության կամ ռադիոընկերության ղեկավարին:

18. Եթե հեռուստառադիոընկերության ներկայացուցիչը հրաժարվում է արձանագրությունն ստորագրել կամ այլ կերպ խոչընդոտում է մոնիտորինգի իրականացմանը, ապա Հանձնաժողովի ներկայացուցիչն այդ մասին նշում է

կատարում արձանագրության մեջ, որում նշվում են նաև մոնիտորինգի իրականացմանը խոչընդոտած հեռուստաընկերության կամ ռադիոընկերության ներկայացուցչի անունը, ազգանունը և պաշտոնը:

19. Մոնիտորինգի արդյունքների վերաբերյալ արձանագրությունը կարող է հիմք հանդիսանալ վարչական վարույթ հարուցելու համար, իսկ հարուցված վարչական վարույթի շրջանակներում ծառայել որպես վարչական վարույթի ապացույց:

20. Հեռուստաընկերությունների և ռադիոընկերությունների գործունեության մոնիտորինգի իրականացումն ապահովում է Հանձնաժողովի աշխատակազմը:

21. Մոնիտորինգի արդյունքների վերաբերյալ արձանագրության ձևը հաստատում է Հանձնաժողովը:

#### **Հոդված 48. Հանձնաժողովի աշխատակազմը**

1. Հանձնաժողովն իր աշխատանքները կազմակերպում է աշխատակազմի միջոցով:

2. Հանձնաժողովի աշխատակազմի վարձատրությունն իրականացվում է «Պետական պաշտոններ և պետական ծառայության պաշտոններ զբաղեցնող անձանց վարձատրության մասին» Հայաստանի Հանրապետության օրենքին համապատասխան:

### **ԳԼՈՒԽ 6**

#### **ՄԱՍՆԱՎՈՐ ՄՈՒԼՏԻՊԼԵՔՍՈՐԻ ԵՎ ԿԱԲԵԼԱՅԻՆ (ՄԱԼՈՒԽԱՅԻՆ) ՀԵՌԱՐՁԱԿՄԱՆ ԼԻՑԵՆԶԱՎՈՐՈՒՄԸ**

#### **Հոդված 49. Ընդհանուր դրույթներ մասնավոր մուլտիպլեքսորի վերաբերյալ**

1. Մասնավոր մուլտիպլեքսորի գործունեությունն իրականացվում է օրենքով սահմանված կարգով Հանձնաժողովի տված լիցենզիայի հիման վրա՝ Հայաստանի Հանրապետությունում հիմնադրված իրավաբանական անձի կողմից, որի հիմնադրման (ստեղծման) ժամանակ կամ դրանից հետո օտարերկրյա կապիտալի մասնակցության բաժինը չպետք է հավասար կամ ավելի լինի հեռարձակող կազմակերպության որոշումների ընդունման համար անհրաժեշտ բաժնեմասերի 50 տոկոսից: Ավելի մեծ բաժնեմաս կարող է սահմանվել միջպետական պայմանագրերով:

2. Մասնավոր մուլտիպլեքսորի լիցենզիա ստանալու համար Հանձնաժողովին դիմող ֆիզիկական անձը բիզնես-պլանին կից պետք է ներկայացնի իր՝ որպես անհատ ձեռնարկատիրոջ մասին հետևյալ տեղեկությունները. անունը, ազգանունը (ըստ անձնագրի), հաշվառման հասցեն, անհատ ձեռնարկատիրոջ պետական գրանցման վկայականի համարը, տրման տարին, ամիսը, ամսաթիվը, ինչպես նաև հայտարարություն, որ չի հանդիսանում սույն հոդվածի 5-րդ մասի արգելքների կրողը: Մասնավոր մուլտիպլեքսորի լիցենզիա ստանալուց հետո անձը վերոհիշյալ տվյալները հրապարակում է իր պաշտոնական կայքում:

3. Իրավաբանական անձ մասնավոր մուլտիպլեքսորը լիցենզավորման դիմումին և բիզնես-պլանին կից Հանձնաժողովին է ներկայացնում հիմնադիրների և նրանց

մասնակից կամ բաժնետեր իրավաբանական ու ֆիզիկական անձանց մասին հետևյալ տեղեկությունները.

ա. հիմնադիր իրավաբանական անձի լրիվ անվանումը,  
բ. կազմակերպական-իրավական ձևը,  
գ գտնվելու վայրը,  
դ. ղեկավարի անունը, ազգանունը,  
ե. կոնտակտային տվյալները,  
զ. իրավաբանական անձի պետական գրանցման վկայականի համարը, տրման օրը,

է. ա-զ կետերում նշված տեղեկությունները՝ հիմնադիր իրավաբանական անձի մասնակից կամ բաժնետեր այն իրավաբանական անձանց մասին, որոնք տիրապետում են հիմնադիր իրավաբանական անձի առնվազն 5 տոկոս բաժնեմասի,

ը. հիմնադիր իրավաբանական անձի առնվազն 5 տոկոսի բաժնետեր կամ մասնակից ֆիզիկական անձանց անունները, ազգանունները, հաշվառման հասցեները, եթե ֆիզիկական անձը անհատ ձեռնարկատեր է, ապա նաև պետական գրանցման վկայականի համարը և տրման օրը,

թ. հայտարարություն, որ հիմնադիրների, բաժնետերերի կամ մասնակիցների թվում չկան սույն հոդվածի 5-րդ մասում նշված անձինք և կազմակերպություններ,

ժ. տեղեկանք հարկային մարմիններից՝ դիմումը ներկայացնելու ամսվա 1-ի դրությամբ հարկային պարտավորությունների կատարման մասին:

4. Լիցենզավորումից հետո մասնավոր մուլտիպլեքսորը սույն հոդվածի 2-րդ մասի ա-թ կետերի տվյալները, ինչպես նաև իր տարեկան ֆինանսական հաշվետվությունը հրապարակում է իր պաշտոնական կայքում:

5. Մասնավոր մուլտիպլեքսորի հիմնադիրներ (մասնակիցներ) չեն կարող լինել՝  
1) Հանրապետության նախագահը և նրան փոխկապակցված անձինք,  
2) Հանրապետության վարչապետը և նրան փոխկապակցված անձինք,  
3) պետական կառավարման կամ տեղական ինքնակառավարման մարմինները, դրանց ղեկավարները և նրանց փոխկապակցված անձինք,

4) Կառավարության անդամները և նրանց փոխկապակցված անձինք,  
5) Ազգային ժողովի պատգամավորները և նրանց փոխկապակցված անձինք,  
6) Խորհրդի անդամները և նրանց փոխկապակցված անձինք,  
7) Հանձնաժողովի անդամները և նրանց փոխկապակցված անձինք,  
8) դատավորները և նրանց փոխկապակցված անձինք,  
9) կուսակցությունները, կուսակցությունների ղեկավար մարմինների անդամները,

10) օֆշորային գոտիներում գրանցված կազմակերպությունները և դրանց ղեկավարները,

11) 18 տարին չլրացած քաղաքացիները:

6. Արգելվում է պետական իշխանության մարմինների, պետական պաշտոնյաների, կուսակցությունների, հասարակական կազմակերպությունների և այլ իրավաբանական անձանց՝ մասնավոր մուլտիպլեքսորի գործունեությանը միջամտելը: Պետական իշխանության մարմինները մասնավոր մուլտիպլեքսորի գործունեությանը կարող են միջամտել միայն Հայաստանի Հանրապետության օրենսդրությամբ սահմանված դեպքերում:

7. Մասնավոր մուլտիպլեքսորը կարող է մուլտիպլեքսն իրականացնել ինչպես սեփական, այնպես էլ վարձակալած հեռարձակման թվային ցանցի միջոցով՝ օգտագործելով ինչպես սեփական, այնպես էլ վարձակալած բաղադրիչներ (ներառյալ՝ ռադիոկայանները, մալուխները, հեռարձակող սարքավորումները և այլն):

8. Մասնավոր մուլտիպլեքսորի սփռման գոտին կարող է լինել ինչպես Հայաստանի ողջ տարածքը, այնպես էլ մեկ մարզի մեկ կամ մի քանի համայնքների, մեկ կամ մի քանի (սակայն ոչ ավելի, քան երեք հարակից) մարզերի տարածքը:

9. Մասնավոր մուլտիպլեքսորն իրավունք չունի մատուցելու այլ ծառայություններ, քան այնպիսիները, որոնք բացառապես կապված են հեռարձակման թվային ցանցի գործունեության և շահագործման հետ:

10. Համապետական սփռում իրականացնող մասնավոր մուլտիպլեքսորը պարտավոր է իր մուլտիպլեքսի կարողության 60 տոկոսը տրամադրել Հայաստանի Հանրապետությունում ստեղծված հեռուստաընկերություններին և ռադիոընկերություններին՝ հեռուստառադիոծրագրեր հեռարձակելու համար, իսկ մնացած 40 տոկոսը կարող է օգտագործել անձամբ կամ վճարովի կամ անվճար հիմունքներով տրամադրել հեռուստաընկերություններին կամ ռադիոընկերություններին:

11. Համապետական սփռում իրականացնող մասնավոր մուլտիպլեքսորը յուրաքանչյուր մարզում մուլտիպլեքսի մեջ է ներառում տվյալ մարզի տեղական հեռուստաընկերությունների և ռադիոընկերությունների ծրագրերը, եթե այդ հեռուստաընկերությունները և ռադիոընկերությունները չեն հրաժարվում այդ հնարավորությունից:

12. Մեկ կամ մի քանի մարզերի, մեկ մարզում մեկ կամ մի քանի համայնքների տարածքում գործունեություն ծավալող մուլտիպլեքսորը պարտավոր է իր մուլտիպլեքսի մեջ ներառել սփռման գոտում գործող հեռուստաընկերությունների և ռադիոընկերությունների ծրագրերը:

13. Մասնավոր մուլտիպլեքսորի հիմնադիրը իրավունք ունի անձամբ օգտագործելու մուլտիպլեքսի միայն մեկ հեռուստածրագիր և մեկ ռադիոծրագիր:

#### **Հոդված 50. Համապետական սփռում իրականացնող մասնավոր մուլտիպլեքսորի գործունեության լիցենզիա ստանալու մրցույթները**

1. Համապետական սփռում իրականացնող մասնավոր մուլտիպլեքսորի գործունեության լիցենզիա ստանալու մրցույթը հայտարարելուց հետո՝ երեք ամսվա ընթացքում, սույն օրենքի պայմաններին համապատասխանող իրավաբանական անձը Հանձնաժողով պետք է ներկայացնի՝

ա) դիմում,

բ) հեռարձակման թվային ցանցի ստեղծման նախագիծը, ներառյալ՝ ցանցի գործարկման ժամանակացույցը,

գ) ապացույցներ դիմողի մոտ հեռարձակման թվային ցանցն ստեղծելու և շահագործելու համար անհրաժեշտ տեխնիկական և ֆինանսական կարողությունների առկայության կամ տեխնիկական կարողությունների վարձակալության մասին:

2. Մասնավոր մուլտիպլեքսորի գործունեության լիցենզիայի համար դիմումում պետք է նշվեն՝

- ա) դիմողի անվանումը և գտնվելու վայրը,
- բ) դիմողի գրանցման համարը, հարկ վճարողի հաշվառման համարը, գործունեության իրականացման հասցեն,
- գ) նշում այն մասին, որ դիմումը ներկայացվում է մասնավոր մուլտիպլեքսորի լիցենզիա ստանալու համար և դիմումի ներկայացման ամսաթիվը,
- դ) մուլտիպլեքսի կառուցման և գործարկման համար անհրաժեշտ հաճախականությունների մասին տեղեկություններ, ընդ որում՝ հաճախականությունները պետք է ներառված լինեն Հանձնաժողովի կառավարման ներքո գտնվող հաճախականությունների ցանկում:

3. Մասնավոր մուլտիպլեքսորի գործունեության լիցենզավորման համար դիմումների ներկայացման ժամկետի ավարտից հետո Հանձնաժողովը ցանցի ստեղծման նախագծերն ու ժամանակացույցերը ներկայացնում է իր ընտրած փորձագետներին՝ տեխնիկական փորձաքննության, որը պետք է իրականացվի առավելագույնը երեք ամսվա ընթացքում:

4. Եթե երեք ամսվա ընթացքում Հանձնաժողովը չի տալիս տեխնիկական եզրակացությունը, ապա համարվում է, որ այն համապատասխանում է անհրաժեշտ պահանջներին:

5. Տեխնիկական փորձաքննության եզրակացությունն ստանալուց հետո՝ առավելագույնը 15-օրյա ժամկետում, Հանձնաժողովը կազմակերպում է հանրային լսումներ, որոնց անցկացման վայրի և ժամի մասին հայտարարություն է հրապարակում Հայաստանի Հանրապետության հրապարակային ծանուցումների պաշտոնական կայքում ([www.azdarar.am](http://www.azdarar.am)):

6. Տեխնիկական փորձաքննության եզրակացությունն ստանալուց հետո՝ առավելագույնը երկու ամսվա ընթացքում, հիմք ընդունելով փորձաքննության և հանրային լսումների արդյունքները, Հանձնաժողովը որոշում է կայացնում լիցենզիա տրամադրելու կամ դիմումը մերժելու վերաբերյալ:

7. Մնացած հավասար պայմանների դեպքում մրցույթում հաղթողին որոշելիս առավելությունը տրվում է սեփական ցանց և ցանցի բաղադրիչներ ունեցող հավակնորդին:

8. Մրցույթի կազմակերպման առանձնահատկությունները (ներառյալ՝ գնահատման չափանիշները) սահմանվում են Հանձնաժողովի որոշմամբ:

9. Հանձնաժողովը մասնավոր մուլտիպլեքսորի գործունեության լիցենզավորման մրցույթը հայտարարում է չկայացած, եթե՝

1) սահմանված ժամկետում ոչ մի դիմում չի ներկայացվել, կամ ներկայացված դիմումներից ոչ մեկը չի համապատասխանում Հայաստանի Հանրապետության օրենսդրության պահանջներին,

2) մրցույթի միակ մասնակցի կամ բոլոր մասնակիցների հեռարձակման թվային ցանցի ստեղծման նախագծի և ժամանակացույցի տեխնիկական փորձաքննության արդյունքում տրվել է բացասական եզրակացություն, ընդ որում՝ այս դեպքում՝ հանրային լսումներ չեն անցկացվում:

**Հողված 51. Տեղական սփռում իրականացնող մասնավոր մուլտիպլեքսորի գործունեության լիցենզիա ստանալու մրցույթները**

1. Մեկ մարզում մեկ կամ մի քանի համայնք, մեկ կամ մի քանի մարզ (առավելագույնը՝ երեք մարզ) ընդգրկող մասնավոր մուլտիպլեքսորի գործունեության լիցենզիայի մրցույթ հայտարարվում է այն դեպքում, երբ որևէ իրավաբանական կամ ֆիզիկական անձ տվյալ տարածքում հեռուստառադիոծրագրեր հեռարձակելու հայտ է ներկայացնում:

2. Մրցույթի համար գործում են նույն կարգավորումները, որոնք նախատեսված են սույն օրենքի 50-րդ հոդվածով:

**Հողված 52. Կաբելային (մալուխային) հեռարձակման լիցենզիա ստանալու դիմումը**

1. Հեռուստառադիոծրագրերի կաբելային (մալուխային) հեռարձակման լիցենզիա ստանալու համար դիմողը պատվիրված նամակով՝ հանձնման մասին ծանուցմամբ կամ հաղորդագրության ձևակերպումն ապահովող կապի այլ միջոցների օգտագործմամբ, կամ առձեռն՝ ստացականով, Հանձնաժողովին ներկայացնում է դիմում, որում նշվում են՝

- 1) դիմումատուի անվանումը և գտնվելու վայրը,
- 2) հեռուստառադիոծրագրերի թեմատիկ ուղղվածությունը,
- 3) սփռման գոտին,

4) տեղեկություններ դիմումատուի՝ այլ հեռուստաընկերությունների և ռադիոընկերությունների հիմնադիր կամ մասնակից և լիցենզավորված անձ կամ զանգվածային լրատվության այլ միջոցների հիմնադիր լինելու, ինչպես նաև դրանց արտադրությամբ և տարածմամբ զբաղվելու մասին,

5) վերահեռարձակվող հեռուստառադիոծրագրերի թիվը (եթե դիմումատուն նախատեսում է իրականացնել վերահեռարձակում),

6) իր կողմից շահագործվող կաբելային (մալուխային) ցանցով այլ հեռահաղորդակցական ծառայություններ մատուցելու մասին տեղեկություններ,

- 7) դիմումի ներկայացման ամիսը, ամսաթիվը, տարեթիվը:

2. Դիմումին կից ներկայացվում են դիմումատուի հիմնադիր փաստաթղթերի պատճենները, բիզնես ծրագիրը, տվյալներ՝ օգտագործվելիք տեխնիկական միջոցների և սարքավորումների մասին, ֆինանսական աղբյուրները հիմնավորող փաստաթղթեր, և տեղեկանք դիմումում նշված սփռման գոտում բնակարանների թվի մասին:

3. Դիմումին կից ներկայացված փաստաթղթերում սխալներ, ջնջումներ, վրիպակներ հայտնաբերելու դեպքում Հանձնաժողովը երեք աշխատանքային օր ժամկետ է տրամադրում դիմում ներկայացրած անձին՝ հայտնաբերված թերությունները շտկելու նպատակով:

4. Դիմում ներկայացրած անձն իրավունք ունի սույն հոդվածի 3-րդ մասում սահմանված ժամկետում Հանձնաժողով ներկայացնել փաստաթղթերը՝ առանց Հանձնաժողովի կողմից մատնանշված թերությունների:

5. Հեռուստառադիոհեռարձակման կարելային (մալուխային) հեռարձակման լիցենզավորման կարգը սահմանում է Հանձնաժողովը:

### **Հոդված 53. Դիմումի քննարկումը և որոշման ընդունումը**

1. Հեռուստառադիոհեռարձակման կարելային (մալուխային) հեռարձակման լիցենզիա տալու համար Հանձնաժողովն իր նիստում քննարկում է դիմումը և որոշում է ընդունում այն մուտքագրելուց հետո՝ 60 օրվա ընթացքում:

2. Լիցենզիա տալու մասին որոշմամբ Հանձնաժողովը սահմանում է նաև համապետական կամ տեղական սփռման այն հեռուստաընկերությունների հեռուստառադիոհեռարձակման (բացառությամբ վերահեռարձակող հեռուստառադիոընկերությունների), որոնք ենթակա են պարտադիր հեռարձակման հեռուստառադիոհեռարձակման կարելային (մալուխային) հեռարձակման լիցենզիա ստացած անձի կողմից:

3. Լիցենզիայի տրամադրումը մերժվում է, եթե՝

1) ներկայացված փաստաթղթերը թերի, կեղծ կամ խեղաթյուրված են կամ չեն համապատասխանում սույն օրենքի և այլ իրավական ակտերի պահանջներին,

2) դիմողը սույն օրենքով սահմանված ժամկետում չի վերացրել Հանձնաժողովի նշած թերությունները,

3) դիմողը, օրենքի համաձայն, իրավունք չունի զբաղվելու հեռուստառադիոհեռարձակմամբ,

4) բացակայում են հեռուստառադիոհեռարձակման տեխնիկական հնարավորությունները:

4. Լիցենզիա տալը մերժելու մասին դիմողը գրավոր տեղեկացվում է որոշման ընդունումից հետո՝ տասնօրյա ժամկետում: Լիցենզավորման մերժումը կարող է բողոքարկվել դատական կարգով:

### **Հոդված 54. Կարելային (մալուխային) հեռարձակման լիցենզիա ստացած անձի գործունեությունը**

1. Օրենքով սահմանված կարգով հեռուստառադիոհեռարձակում իրականացնող՝ Հայաստանի Հանրապետության տարածքում և նրա սահմաններից դուրս գործող ընկերությունների հեռուստառադիոհեռարձակման կարելային (մալուխային) հեռարձակման լիցենզիա ստացած անձի կողմից կարող են վերահեռարձակվել տվյալ ընկերության հետ պայմանագրի առկայության դեպքում՝ Հանձնաժողովին ծանուցելուց հետո: Պայմանագրի պատճենը պետք է կցվի ծանուցմանը: Եթե Հանձնաժողովը 5 աշխատանքային օրվա ընթացքում չի տեղեկացնում ծանուցումը լրացման կամ փոփոխության ենթարկելու մասին, ապա ծանուցումը համարվում է ի գիտություն ընդունված:

2. Հեռուստառադիոհեռարձակման կարելային (մալուխային) հեռարձակման լիցենզիա ստացած անձը սեփական հեռուստառադիոհեռարձակման կարող է արտադրել և հեռարձակել ազատորեն, առանց որևէ թույլտվության:

3. Հեռուստառադիոհեռարձակման կարելային (մալուխային) հեռարձակման լիցենզիա ստացած անձի պաշտոնական ինտերնետային կայքում հիմնադիրների և նրա

մասնակից կամ բաժնետեր իրավաբանական ու ֆիզիկական անձանց մասին պետք է լինեն առնվազն հետևյալ տեղեկությունները.

ա. հիմնադիր իրավաբանական անձի լրիվ անվանումը,  
բ. կազմակերպական-իրավական ձևը,  
գ իրավաբանական և գործունեության հասցեները,  
դ. ղեկավարի անունը, ազգանունը,  
ե. կոնտակտային տվյալները,  
զ. իրավաբանական/ֆիզիկական անձի պետական գրանցման համարը, տրման օրը,

է. ա-զ կետերում նշված տեղեկությունները՝ հիմնադիր իրավաբանական անձի մասնակից կամ բաժնետեր այն իրավաբանական անձանց մասին, որոնք տիրապետում են հիմնադիր իրավաբանական անձի առնվազն 5 տոկոս բաժնեմասի,

ը. հիմնադիր իրավաբանական անձի առնվազն 5 տոկոսի բաժնետեր կամ մասնակից ֆիզիկական անձանց անունները, ազգանունները, հաշվառման հասցեները, եթե ֆիզիկական անձը անհատ ձեռնարկատեր է, ապա նաև պետական գրանցման վկայականի համարը և տրման օրը:

### **Հոդված 55. Լիցենզիայի բովանդակությունը**

1. Կարելային (մալուխային) հեռարձակման լիցենզիան պարունակում է հետևյալ տեղեկությունները.

- 1) լիցենզավորող մարմնի անվանումը,
- 2) լիցենզիայի համարը և սերիան,
- 3) լիցենզիան տալու ամսաթիվը,
- 4) գործունեության տեսակը, որի համար տրվել է լիցենզիան,
- 5) իրավաբանական անձի անվանումը և գտնվելու վայրը,
- 6) սփռման գոտին,
- 7) լիցենզիայի գործողության ժամկետը,
- 8) լիցենզավորող մարմնի լիազորված անձի ստորագրությունը և այդ մարմնի պետական զինանշանի պատկերով կնիքի դրոշմը:

2. Լիցենզիայի պայմանները կցվում են լիցենզիային և համարվում դրա անբաժանելի մասը:

### **Հոդված 56. Լիցենզիա տալը**

1. Մասնավոր մուլտիպլեքսորը և կարելային (մալուխային) հեռարձակում իրականացնողը լիցենզիա տալու մասին Հանձնաժողովի որոշումը ստանալուց հետո՝ 20-օրյա ժամկետում, վճարում են հեռարձակում իրականացնելու համար «Պետական տուրքի մասին» Հայաստանի Հանրապետության օրենքով սահմանված չափով պետական տուրք:

2. Մույն հոդվածով սահմանված պետական տուրքի վճարումից հետո՝ տասնօրյա ժամկետում, Հանձնաժողովը նշված անձանց տալիս է լիցենզիաներ:

3. Մույն հոդվածով սահմանված պետական տուրքը չվճարելը հիմք է լիցենզիա տալու մասին որոշումները Հանձնաժողովի կողմից չեղյալ ճանաչվելու համար:

4. Մրցույթում հաղթող ճանաչելու մասին որոշումը սույն հոդվածով սահմանված հիմքով չեղյալ ճանաչվելու դեպքում Հանձնաժողովը հայտարարում է մասնավոր մուլտիպլեքսորի լիցենզավորման արտահերթ մրցույթ և իրականացնում է լիցենզավորում սույն օրենքով սահմանված կարգով:

#### **Հոդված 57. Լիցենզիաների գործողության ժամկետները**

1. Մասնավոր մուլտիպլեքսորի և կաբելային (մալուխային) հեռարձակման լիցենզիաները տրվում են անժամկետ:

### **ԳԼՈՒԽ 7**

#### **ԱՌԱՆՑ ԼԻՑԵՆԶԱՎՈՐՄԱՆ ՀԵՌՈՒՍՏԱՌԱԴԻՈՂԱԴՐՈՒՄՆԵՐԻ ԿԱԶՄԱԿԵՐՊՄԱՆ ՊԱՅՄԱՆՆԵՐԸ**

#### **Հոդված 58. Առանց լիցենզավորման հեռուստառադիոհաղորդումների կազմակերպման պայմանները**

1. Կաբելային (մալուխային) ցանցով հեռարձակման համար լիցենզիա չի պահանջվում, եթե սփուման և սպասարկման տարածքը սահմանափակվում է իրավաբանական անձին պատկանող շենքերով ու տարածքներով:

2. Առանց լիցենզավորման հեռուստառադիոհաղորդումների կազմակերպումը չպետք է ազդի տվյալ շրջանում գործող հեռուստառադիոհաղորդումների իրականացման որակի վրա, ինչպես նաև չպետք է խաթարի հեռուստառադիոհաղորդումներ ընդունող և հեռարձակող հեռահաղորդակցության տեխնիկական միջոցների աշխատանքը:

3. Սույն հոդվածի 1-ին մասում նշված գործունեությունն այն հյուրանոցների, հյուրանոցային համալիրների, հանգստյան տների և նմանատիպ վարձակալական հիմունքներով շենքերի տարածքում, որտեղ առկա է քսան կամ ավելի հեռուստացույց, կարող է իրականացվել միայն Հանձնաժողով ծանուցում ներկայացնելուց հետո:

4. Սույն օրենքի և հեռուստատեսության ու ռադիոյի բնագավառի այլ օրենքների ու իրավական ակտերի պահանջների խախտման դեպքում առանց լիցենզավորման հեռուստառադիոհաղորդումներ տրամադրելու ընկերության գործունեությունը Հանձնաժողովը դադարեցնում է:

#### **Հոդված 59. Հյուրանոցների, հյուրանոցային համալիրների, հանգստյան տների և նմանատիպ վարձակալական հիմունքներով շենքերի տարածքում հեռուստառադիոհաղորդումների վերահեռարձակման մասին ծանուցումը**

1. Սույն օրենքի 58-րդ հոդվածի 3-րդ մասում նշված ծանուցումը հեռուստառադիոհաղորդումներ հեռարձակողը պարտավոր է Հանձնաժողով ներկայացնել հեռուստառադիոհաղորդումների կազմակերպումից հինգ օր առաջ:

2. Ծանուցման մեջ պետք է նշվեն այն բոլոր հեռուստառնկերությունների անվանումները, որոնք ծանուցում ներկայացնողը պատրաստվում է

վերահեռարձակել, ինչպես նաև ներկայացվում են վերը նշված հեռուստառադիոընկերությունների իրավատերերի հետ կնքված պայմանագրերի լուսապատճենները:

## **ԳԼՈՒԽ 8**

### **ՊԱՏԱՍԽԱՆԱՏՎՈՒԹՅՈՒՆԸ ՀԵՌՈՒՍՏԱՏԵՍՈՒԹՅԱՆ ԵՎ ՌԱԴԻՈՅԻ ՄԱՍԻՆ ՕՐԵՆՄԴՐՈՒԹՅԱՆ ՊԱՀԱՆՋՆԵՐԸ ԽԱԽՏԵԼՈՒ ՀԱՄԱՐ**

#### **Հոդված 60. Պատասխանատվությունը հեռուստատեսության և ռադիոյի օրենսդրության պահանջները խախտելու համար**

1. Հեռուստատեսության և ռադիոյի բնագավառը կարգավորող օրենսդրության պահանջների խախտումների դեպքում Հանձնաժողովը կիրառում է հետևյալ վարչական տույժերը.

- 1) գրավոր նախազգուշացում,
- 2) տուգանք,
- 3) գործունեության կասեցում,
- 4) գործունեության կամ լիցենզիայի դադարեցում:

2. Հանձնաժողովն իրավասու է սույն օրենքի 63-րդ հոդվածով սահմանված հիմքերի առկայության պարագայում կասեցնել հեռուստաընկերության կամ ռադիոընկերության գործունեությունը, իսկ կասեցման հիմք դարձած խախտումները մեկ ամսվա ընթացքում չվերացնելու դեպքում, դիմել դատարան՝ հեռուստաընկերության կամ ռադիոընկերության գործունեության դադարեցման պահանջով:

3. Հեռուստառադիոընկերությունները (հեռուստաընկերությունը կամ ռադիոընկերությունը) իրավունք ունեն դիմելու դատարան՝ Հանձնաժողովի որոշումներն անվավեր ճանաչելու կամ փոփոխելու պահանջով, ընդ որում՝ նշված պահանջով հայցը դատարան ներկայացնելը չի կասեցնում վարչական տույժի կիրառման մասին որոշման կատարումը, բացառությամբ «գործունեության կամ լիցենզիայի դադարեցում» վարչական տույժի:

#### **Հոդված 61. Գրավոր նախազգուշացումը**

1. Սույն օրենքի 60-րդ հոդվածի 1-ին մասի հիմքով Հանձնաժողովն իրավախախտումը հայտնաբերելու օրվանից ոչ ուշ, քան երկու ամսվա ընթացքում, գրավոր նախազգուշացնում է խախտում կատարած հեռուստառադիոընկերությանը կամ մուլտիպլեքսորին՝ պահանջելով վերացնել խախտումը և սահմանելով խախտումը վերացնելու համար ողջամիտ ժամկետ, ինչպես նաև, անհրաժեշտության դեպքում, տալով խախտումը հետագայում բացառելու հանձնարարականներ:

## **Հոդված 62. Տուգանքը**

1. Մույն հոդվածով սահմանված իրավախախտումներ կատարած անձի նկատմամբ տուգանք կարող է կիրառվել իրավախախտում կատարելու օրվանից ոչ ուշ, քան երկու ամսվա ընթացքում, իսկ շարունակվող կամ տևող իրավախախտման դեպքում՝ այն բացահայտվելու օրվանից ոչ ուշ, քան երկու ամսվա ընթացքում:

2. Մույն օրենքի 61-րդ հոդվածով սահմանված կարգով գրավոր նախազգուշացում ստացած անձի կողմից նախազգուշացմամբ նշված ժամկետում սահմանված պահանջը չկատարելը կամ նախազգուշացման համար հիմք դարձած նույն խախտումը սույն օրենքի 61-րդ հոդվածով սահմանված վարչական տույժի միջոցներ կիրառելուց հետո՝ մեկ տարվա ընթացքում, կրկին կատարելը՝

առաջացնում է տուգանքի նշանակում՝ սահմանված նվազագույն աշխատավարձի երկուհարյուրապատիկի չափով:

3. Մուլտիպլեքտրի կողմից սփռման գոտիների համընկնման շրջաններում հեռուստառադիոլսարանի՝ այլ հեռուստառադիոծրագրեր ընդունելու իրավունքը սահմանափակելը՝

առաջացնում է տուգանքի նշանակում՝ սահմանված նվազագույն աշխատավարձի հինգհարյուրապատիկի չափով:

4. Հեռուստառադիոընկերության անվանումը, ազդականչն ու այլ ելքային տվյալներ միայն օտար լեզուներով (առանց հայերեն տարբերակի) օգտագործելը՝

առաջացնում է տուգանքի նշանակում՝ սահմանված նվազագույն աշխատավարձի երկուհարյուրապատիկի չափով:

5. Հեռուստառադիոընկերության կողմից հայրենական արտադրության հաղորդումները ընդհանուր եթերաժամի 65 տոկոսից պակաս հեռարձակելը, բացառությամբ օրենքով նախատեսված դեպքերի՝

առաջացնում է տուգանքի նշանակում՝ սահմանված նվազագույն աշխատավարձի երեքհարյուրապատիկից մինչև հազարապատիկի չափով:

6. Ընտրությունների և հանրաքվեների մասին Հայաստանի Հանրապետության օրենսդրությամբ քարոզչության համար արգելված ժամանակահատվածում քարոզչական բնույթի հաղորդում հեռարձակելը՝

առաջացնում է տուգանքի նշանակում՝ սահմանված նվազագույն աշխատավարձի հազարապատիկի չափով:

7. Ընտրությունների (հանրաքվեների) նախընտրական (հանրաքվեի նախապատրաստական) քարոզչության իրականացման համար օրենքով սահմանված ժամանակահատվածում հեռուստատեսությամբ առանց էկրանի վրա պարտադիր անընդմեջ «Նախընտրական (հանրաքվեի նախապատրաստական) քարոզչություն» լուսագրի քաղաքական կամ այլ քարոզչական հաղորդումներ սփռելը, իսկ ռադիոսփռման դեպքում՝ յուրաքանչյուր հաղորդման ընթացքում ոչ պակաս, քան 3 անգամ դրա մասին չհիշեցնելը՝

առաջացնում է տուգանքի նշանակում՝ սահմանված նվազագույն աշխատավարձի հազարապատիկի չափով:

8. Հեռուստառադիոընկերությունների կողմից թեկնածուների, ընտրություններին մասնակցող կուսակցությունների, կուսակցությունների դաշինքների նկատմամբ խտրականության դրսևորումը՝

առաջացնում է տուգանքի նշանակում՝ սահմանված նվազագույն աշխատավարձի հազարապատիկի չափով:

9. Հեռուստառադիոընկերությամբ հեռարձակվող լրատվական հաղորդումներում թեկնածուների և ընտրություններին մասնակցող կուսակցությունների, կուսակցությունների դաշինքների (հանրաքվեի քարոզչությանը մասնակցող կողմերի) նախընտրական (հանրաքվեի նախապատրաստական) քարոզչական միջոցառումների վերաբերյալ անկողմնակալ և գնահատականներից զերծ տեղեկատվություն չապահովելը՝

առաջացնում է տուգանքի նշանակում՝ սահմանված նվազագույն աշխատավարձի հազարապատիկի չափով:

10. Հեռուստառադիոընկերության կողմից իր հեռարձակած հաղորդումների տեսագրությունները և ձայնագրությունները՝ սույն օրենքի 13-րդ հոդվածով նախատեսված կարգով չապահպանելը՝

առաջացնում է տուգանքի նշանակում՝ սահմանված նվազագույն աշխատավարձի հինգհարյուրապատիկի չափով:

11. Ռադիո կամ հեռուստատեսային հաղորդման ընթացքում ավելի քան քսան րոպեն մեկ հաճախականությամբ կամ յուրաքանչյուր մեկ եթերային ժամի հաշվով տասնչորս րոպեից ավելի տևողությամբ գովազդ հեռարձակելը՝

առաջացնում է տուգանքի նշանակում՝ սահմանված նվազագույն աշխատավարձի հազարապատիկի չափով:

12. Հեռուստառադիոընկերությունների կողմից թունդ ալկոհոլային (սպիրտի պարունակությունը 20 և ավելի ծավալային տոկոս) խմիչքների (բացառությամբ տեղական արտադրության կոնյակի) գովազդի հեռարձակումը 06:00-ից մինչև 22:30-ն ընկած ժամանակահատվածում, ծխախոտի և ծխախոտային արտադրության գովազդի հեռարձակումը, ինչպես նաև մանկապատանեկան հեռուստառադիոհաղորդումներում ծխախոտի կամ ծխախոտային արտադրության ապրանքատեսակների ուղղակի կամ անուղղակի օգտագործումը կամ ցուցադրումը՝

առաջացնում են տուգանքի նշանակում՝ սահմանված նվազագույն աշխատավարձի երեքհարյուրապատիկի չափով:

13. Պաշտոնական հաղորդագրությունների, լրատվական թողարկումների գովազդային ընդհատումը՝

առաջացնում է տուգանքի նշանակում՝ սահմանված նվազագույն աշխատավարձի հինգհարյուրապատիկի չափով:

14. Ռադիոընկերության կողմից եթերում օրական առնվազն երեք անգամ իր անվանումը չհայտարարելը՝

առաջացնում է տուգանքի նշանակում՝ սահմանված նվազագույն աշխատավարձի երեքհարյուրապատիկի չափով:

15. Հեռուստառադիոընկերության կողմից իր հաղորդումների հեռարձակման ժամանակ անընդմեջ իր խորհրդանիշը չհեռարձակելը, բացառությամբ գովազդի հաղորդման ժամանակ՝

առաջացնում է տուգանքի նշանակում՝ սահմանված նվազագույն աշխատավարձի երեքհարյուրապատիկի չափով:

16. Էրտտիկ բնույթի հեռուստառադիոհաղորդումները և սարսափ ու ակնհայտ բռնություն պարունակող ֆիլմերը, ինչպես նաև անչափահասների առողջության,

մտավոր և ֆիզիկական զարգացման, դաստիարակության վրա հնարավոր բացասական ազդեցություն ունեցող հաղորդումների եթեր հեռարձակումը ժամը 24.00-ից մինչև 6.00-ն ընկած ժամանակահատվածից դուրս, բացառությամբ բաժանորդային հեռարձակման՝

առաջացնում է տուգանքի նշանակում՝ սահմանված նվազագույն աշխատավարձի հինգհարյուրապատիկի չափով:

17. Արբանյակային հեռարձակման մասին սույն օրենքով սահմանված ժամկետում Հանձնաժողովին գրավոր չտեղեկացնելը՝

առաջացնում է տուգանքի նշանակում՝ սահմանված նվազագույն աշխատավարձի վեցհարյուրապատիկի չափով:

18. Առանց Հանձնաժողովի թույլտվության բաժանորդային հեռարձակում իրականացնելը՝

առաջացնում է տուգանքի նշանակում՝ սահմանված նվազագույն աշխատավարձի ութհարյուրապատիկի չափով:

19. Յուրաքանչյուր առանձին գովազդային հատուկ հաղորդման սևողությունը եթերային մեկ ժամվա ընթացքում հինգ րոպեի գերազանցելը՝

առաջացնում է տուգանքի նշանակում սահմանված նվազագույն աշխատավարձի հինգհարյուրապատիկի չափով:

20. Հեռուստառադիոընկերությունների կողմից այն ապրանքատեսակների և ծառայությունների գովազդի հեռարձակումը, որոնց գովազդն արգելված է «Գովազդի մասին» Հայաստանի Հանրապետության օրենքով՝

առաջացնում է տուգանքի նշանակում սահմանված նվազագույն աշխատավարձի հազարապատիկի չափով:

21. Մույն հոդվածի 3-20-րդ մասերով սահմանված հիմքերով վարչական տույժի ենթարկված հեռուստառադիոընկերության կողմից մեկ տարվա ընթացքում նույն խախտումը կրկնելը՝

առաջացնում է տուգանքի նշանակում՝ սահմանված նվազագույն աշխատավարձի հազարապատիկի չափով:

22. Առանց սույն օրենքի 59-րդ հոդվածի 2-րդ մասով սահմանված ծանուցման վերահեռարձակում իրականացնելը՝

առաջացնում է տուգանքի նշանակում՝ սահմանված նվազագույն աշխատավարձի հիսնապատիկի չափով:

23. Մույն հոդվածի 22-րդ մասով սահմանված հիմքերով վարչական տույժի ենթարկված իրավաբանական անձի կողմից մեկ տարվա ընթացքում նույն խախտումը կրկնելը՝

առաջացնում է տուգանքի նշանակում՝ սահմանված նվազագույն աշխատավարձի երկուհարյուրապատիկի չափով:

### **Հոդված 63. Հեռուստաընկերությունների և ռադիոընկերությունների գործունեության կասեցումը և դադարեցումը**

1. Հեռուստաընկերության կամ ռադիոընկերության գործունեությունը կասեցվում է, եթե՝

1) հեղինակագործման համար ներկայացված փաստաթղթերում էական նշանակություն ունեցող կեղծ կամ խեղաթյուրված տեղեկատվություն է հայտնաբերվել,

2) հեղինակագործումից հետո բաժնետերերի կազմում փոփոխություններ են եղել և բաժնետեր են դարձել սույն օրենքի 16-րդ հոդվածի 5-րդ մասում նշված անձինք և կազմակերպություններ,

3) հեռուստառադիոընկերությունը սույն օրենքի 62-րդ հոդվածի 21-րդ մասով սահմանված հիմքով մեկ տարվա ընթացքում երեք անգամ ենթարկվել է վարչական տույժի , որից հետո նույն տարվա ընթացքում կատարել է սույն օրենքի 60-րդ հոդվածի 1-ին մասով սահմանված որևէ վարչական տույժի նշանակման համար հիմք համարվող արարք,

4) հեռուստառադիոընկերությունը սույն օրենքի 62-րդ հոդվածի 21-րդ մասով սահմանված հիմքով սույն օրենքի 62-րդ հոդվածի 7-րդ, 8-րդ և 9-րդ մասերի համաձայն՝ մեկ տարվա ընթացքում մեկ անգամ ենթարկվել է վարչական տույժի, որից հետո նույն տարվա ընթացքում կատարել է սույն օրենքի 60-րդ հոդվածի 1-ին մասով սահմանված որևէ վարչական տույժի նշանակման համար հիմք համարվող արարք,

5) խախտվել են օրենքի 22-րդ հոդվածի պահանջները,

6) ռազմական կամ արտակարգ դրություն հայտարարելու ժամանակ կառավարության իրավասու անձին պաշտոնական հայտարարություններ կատարելու համար եթերաժամանակ չի հատկացվել:

2. Եթե գործունեությունը կասեցնելուց հետո հեռուստաընկերությունը կամ ռադիոընկերությունը մեկ ամսվա ընթացքում տեղեկացնում է թերությունները վերացնելու մասին, Հանձնաժողովը, փաստաթղթերը ուսումնասիրելուց հետո, վերացնում է կասեցումը: Մեկամսյա ժամկետում թերությունները չվերացնելու դեպքում Հանձնաժողովը դիմում է դատարան հեռուստաընկերության կամ ռադիոընկերության գործունեությունը դադարեցնելու պահանջով: Դատարանի վճռով այդ պահանջը բավարարելու դեպքում, Հանձնաժողովը իր որոշմամբ ուժը կորցրած է ճանաչում հեռուստաընկերության կամ ռադիոընկերության հեղինակագործումը:

#### **Հոդված 64. Մասնավոր մուլտիպլեքսորի գործունեության լիցենզիայի դադարեցումը**

1. Մասնավոր մուլտիպլեքսորի գործունեության լիցենզիան դադարեցվում է «Լիցենզավորման մասին» Հայաստանի Հանրապետության օրենքով նախատեսված դեպքերում, ինչպես նաև եթե՝

1) մուլտիպլեքսորը չունի օրենքով պահանջվող թվային ցանց,

2) տեխնիկական պատճառներով նրա գործունեության խափանումը տևում է երեք ամսից ավել:

2. Մասնավոր մուլտիպլեքսորի լիցենզիայի դադարեցման դեպքում մինչև մրցույթով նոր մուլտիպլեքսորի լիցենզավորումը, տվյալ մուլտիպլեքսոր Հանձնաժողովը ժամանակավոր կառավարման է հանձնում իր ձևավորած մարմնին՝ ապահովելու համար հեռարձակվող հեռուստառադիոընկերությունների անխափան գործունեությունը:

## ԳԼՈՒԽ 9

### ԵԶՐԱՓՈՒԿԻՉ ՄԱՍ ԵՎ ԱՆՑՈՒՄԱՅԻՆ ԴՐՈՒՅԹՆԵՐ

1. Համապետական սփռման մեկ կամ մի քանի մասնավոր մուլտիպլեքսորների լիցենզավորման առաջին մրցույթն անց է կացվում սույն օրենքն ուժի մեջ մտնելուց հետո երեք ամսվա ընթացքում: Առաջին և հետագա մրցույթները չկայանալու կամ մրցույթում հաղթողներ չլինելու դեպքում յուրաքանչյուր հաջորդ մրցույթ հայտարարվում է վեց ամիս հետո:

1.1 Օբյեկտիվ անհրաժեշտություն առաջանալու դեպքում, Հանձնաժողովը հայտարարում է մասնավոր մուլտիպլեքսորների նոր մրցույթներ:

1.2 Լիցենզավորված հեռուստաընկերությունները շարունակում են հեռարձակումները հանրային հեռարձակման թվային ցանցով՝ մինչև սույն օրենքով նախատեսված կարգով մասնավոր մուլտիպլեքսորների լիցենզավորումը:

2. Մինչև մասնավոր մուլտիպլեքսորների լիցենզավորումը տեղական հեռուստաընկերությունները ընդգրկվում են հանրային հեռարձակման թվային ցանցի մուլտիպլեքսում:

3. Հանրային հեռարձակման թվային ցանցով սոցիալական նվազագույն փաթեթի հեռարձակումը սկսվում է սույն օրենքի ընդունումից հետո երկու տարվա ընթացքում:

4. Հանրային հեռուստաընկերության կողմից նվազագույն սոցիալական փաթեթի երեք մասնագիտացված ալիքների հեռարձակումից հրաժարվելու դեպքում մասնավոր հեռուստաընկերությունների համար մասնագիտացված ալիքների հեռարձակման մրցույթը հայտարարվում և մրցույթում հաղթողները որոշվում են մինչև նվազագույն սոցիալական փաթեթի հեռարձակման սկիզբը: Այդ ալիքների հեռարձակումը սկսվում է սույն հոդվածի 3-րդ մասով նախատեսված ժամկետում:

\*\*\*

Սույն օրենքի ուժի մեջ մտնելու պահից ուժը կորցրած ճանաչել  
«Հեռուստատեսության և ռադիոյի մասին» 2000 թվականի հոկտեմբերի 9-ի ՀՕ-97  
օրենքը: